


UKWIKATA IMPONGOLO

SHA MULWANI

 Mwashibukeni, bonse. Kabili ndi nensansa pakubwela nakabili muno lucelo pano pe hema, ukupepelako abantu abalwele ileelo. Cena, caba lyonse, ifwe ukwisa muno, inshita iili yonse, kabili—kabili ukupepelako abantu abesu muno ukufuma mu ncende ishalekana lekana, mukupepelwa.

Kabili nomba twalafuma bwangu ili line, nomba, pakulongana kwaku California naku West Coast. Kabili icine cine tulelomba amapepo yenu, ukutula Lesa ulya uwaba mu Myuulu akabe no luse kuli ifwe akatupele ukulongana ku kalamba kulya.

Caishile ingila fye, mailo, nangu mailo ubushiku, ntile, ukucelwa. Kabili mailo bwali bumo ubwai . . . Ukuba, ubushiku bwafumineko, kabili ubwa mailo, bwali ubushiku bumo panshiku sha kashika isha mu bumi bwandi. Kulya, Ninjishiba nalimo abantu babili, nangu batatu, mucikulwa abo abali ni nte ya kwisa kwa kwa Shikulu, mailo. Kabili icikalamba, icintu icawama icacitike, ico Nshikwete inshita muno lucelo ukumweba. Lelo nalimo pa Mulungu uleisa ulucelo, ilyo tatulaya, Ine nalimo nkakwata inshita, mu Mbila, uku—ukumweba. Nga Shikulu asuminisha, Nkaba kulya, nalimo ukupepela abalwele, pa Mulungu ulucelo. Ifwe limbi kuti twafwaya ukufuma mu cungulo, nga kuti cacitwa, ku kulongana kwa mu San Jose ku San Jose, California. Kabili nga na mukwata abantu abali bonse ukushinguluka, ku West Coast kulya, ico cili, ifwe twalacetekela, limbi ili nokuba inshita iyo Ine ndoleshako, pa nshita iitali, ukucinja kwa mupyungishi bwandi ubuli no kwisa. Kabili cena cintu capalamisha nganshi, Ine natontonkenye ukutula cali nokucitika mailo. Kabili Ndecetekela ukutula calaba fye nombaline, kabili calaba ukutali pa cintu icili conse ico twatala monapo atemwa ukumfwa, na nomba. Nomba, muleibukisha, cilya ni EFYA SOSA SHIKULU. Mwamona? Kabili e ico ifwe tulesubila fye cena, inshita ili yonse.

Kabili tuli nokukwata umusonkano nomba pa ncende iisuma. Ni nctetekela ukuti ico nacilungama, bushe teifyo fine, Gene? Pa ncende yamangalo pa San Jose, California. Kabili cikaba ukulongana kwa nshiku ikumi, ukutendeka pa 20, ukufika pa 29, pa—pa San Jose. Nomba, muletwiwukishafye noku latupepelako.

Nomba ifwe natukwata nalimo, nga twafuma mu nshita, nalimo ama ora nacitika nomba, ukutula twalatendeka

ukulongana kwesu ukupepela abalwele no kuleta i Cebo. Ninsala, muno lucelo, incende ishinono isha Malembo, incende shibili muli Baibele, isha kulandapo.

Lelo ilyo tatulalanda, lekeni tukontamike imitwe yesu pakashita fye, mwipepo.

² Mwe Lesa wa nkumbu nganshi, ifwe mukuicefya twapalamina ku cipuna Cenu icakusenamina muno lucelo, nga bana benu abasha fikapo, lelo ukwisa ne cicetekelo ici shacinja muli Lesa, ico icapelwe kuli ifwe na Mupashi wa Mushilo, kabili no Kubapo kwa kwe Pamo naifwe. Kabili ukupitila mubulayo na Shikulu Yesu, ukutila ngakuti twaisa abaicefya kabili nokwipusha icili conse mwi Shina Lyakwe, ifwe kuti twapelwa umwabela icakwipusha cesu. Eico kanshi, ifwe tatulolekesha kunuma pa fisuma fyesu, pantu tatwakwata icaba ngefyo, lelo tulelekesha kunuma ku fisuma fyaya Kalbale, uko ukusenamina kwesu kwapelwe kuli ifwe ubupe fye no Mwana wakwa Lesa. Kabili kuti twafilwa nokubwasha kunuma ifilamba fyesu ifyo ifingakunkulukila pa mikolomino yesu, lintu twatontonkanya pali ifwe, fweabantu abashafikapo, kabili ifyo ukupitila mukusenamina Kwakwe palya pa Kalbale Ena acitile ico kuli ifwe, ukutila ifwe twingaletwa mupepi pepi na Lesa, nangufye mukwishibana. Kabili nombamba tuli bana baume na bana banakashi kuli Ena.

³ Kabili twaisa muno lucelo, Shikulu, pesamba lya uyu mutenge unono, kuku iibika fwe bene palwesu, kabili ku mulimo, ukuyebelela imembu shesu, kabili—kabili mukupepa kwa maka yakwa Lesa. Twacetekela ukutila Imwe, mwalaba pamo naifwe nokutupela ukumona bumupashi mukati kwakwisa Kwenu ukuli mupepi, pakutila twinga teyanya imitima yesu cila bushiku pali cilye cintu icikalamba ico icalefwaikwa pa myaka amakana. Icine cine ububumbo bonse buleteta, bulelila ukuti fingapusuka. Kabili ne mipashi mukati kesu, Shikulu, lyonse ilatwalililapo ukulalanda, ukutila, “Ifwe tuli balebeshi kabili abeni, kabili cino te n’ganda yesu, lelo tulefwaya Umusamba Untu Kakula kabili Kapanga ni Lesa.” Ifwe tulelolesha kuli ilya inshita ikalamba ukwisa.

⁴ Shikulu, ifwe twalaba abaibukila ukuti uku kulongana, lintu twakumana pano, twalapepelako abana Benu abo abalwele kabili abatitikishiwa, ukulwala konse pakati kesu. Kabili tulelomba ukutila Mwalatukumanya ileelo mu musango uwaibela nganshi, ku kundapa amalwele yonse na malwele pakati kesu. Kabili limbi kuti caba, Shikulu, ukutila ubu bulayo ubo Nalelandapo kunuma, mukulongana na Imwe kulya mailo, lilya line fye panuma ya kasuba, kabili nefyo Imwe mwashininkishe ico ukubwekeshapo noku bwekeshapo nakabili. Kabili tuleumfwa ukuti inshita naipalama nganshi. Kabili lekeni bunobube ubushiku, Shikulu, ubo cena calacitikamo, ukutila

Imwe mwalacinja ubupyungishi, Shikulu, mucintu cimo ico icifwile ukuba icakusenamina icacilapo ku bantu Benu.

⁵ Kabili nomba, mwe Lesa Taata, ifwe tatwapepelefyeye aba beka muno, lelo kuli bonse abo abali konse mwi sonde, abalekabila, kuli fyonse fibili ku mupashi naku mubili. Peleni kuli bena, O Shikulu, ukukabila kwa mitima yabo, pantu abana Benu balelwisha muli shino nshiku. Ukutitikisha kwa mulwani kuli ukwakosa nganshi, lelo Imwe mwaba abakosa ukucilapo. Pantu calilembwa, “Mukalamba Ena uwaba muli imwe ukucila ena uyo uwaba mwi sonde.” Ukupitila muli ici ifwe tulacimfya. Landeni kuli ifwe ukupitila mu Cebo Cenu icalembwa. Kabili ilyo twafuma muno lucelo, lekeni tusose nga balya abaile ku Emmausi, “Bushe imitima yesu tayacipywa mukati kesu ilyo Ena acilalanda naifwe mu nshila?” Twacilombela mwi Shina lyakwa Yesu, Uyo uwapele ubulayo. Ameni.

⁶ Ndebelenga nomba ukufuma muncende shibili mwi Buuku lya Kutendeka. Imo mulisho ilesanga mu chapitala 24, ukutendekela na versi 56, ukubelanga ngefi.

Kabili ena atile kuli bena, Mwincilikila ine, ukumona SHIKULU alitungulula mu nshila yandi; ntumeni ukuti Ndeya kuli shikulu wandi.

Kabili bena batile, Ifwe twalaita na cisungu, nokumfwa ukufuma pakanwa kwakwe.

Kabili bena baitile Rabeka, nokutla kuli ena, Bushe iwe walaya noyu mwaume? Kabili ena atile, Ine nalaya.

Kabili bena batumine Rabeka ukuya pamo naena nkas- . . . nkashi yakwe, na kasunga wakwe, no mubomfi wakwa Abrahamu, . . .

Kabili bena bapalile Rabeka, nokutla kuli ena, Iwe uuli nkashi yesu, iwe ube nyina wa makana yama millioni, kabili ukaleke ulubuto lobe lukekate impongolo sha abo bonse abapata bena.

⁷ Kabili mu Kutendeka 22, versi ya 15, tulebelenga ukuti.

Kabili malaika wakwa SHIKULU aitile Abrahamu ukufuma mu muulu umuku walenga ibili,

Kabili atiile, Nailapa ne Mwine, efyasosa SHIKULU, Pantu iwe wacita ici cintu, iwe tawi- . . . tawikatilile umwana obe, umwana obe umo mpo:

Ukutla mukupala Nkapala iwe, kabili mukufusha Nkafusha ulubuto lobe nge ndata sha . . . mu muulu, kabili ngo musenge . . . waku lulamba lwa bemba; kabili ulubuto lobe lukekata impongolo yamulwani wakwe;

Kabili mu lubuto lobe emo ifyalo fyonse ifya pesonde fikapalilwa; pantu iwe wanakila ishiwi lyandi.

⁸ Nomba lekeni Shikulu alunde amapalo Yakwe ku kubelenga kwa Fyebo Fyakwe. Nomba Ndefwaya ukusenda, nga kuti lyaitwa isambililo, isambililo lyandi muno lucelo, mukubalilapo, lili, “Ukweshiwa ilyo impongolo shabulayo tashilabako.” Kabili isambililo lili: *Ukwikata Impongolo Sha Mulwani*.

⁹ Lesa aleesha icikolwe, pantu Ena amupele ubulayo. Kabili lintu Lesa apanga ubulayo, Ena afwaya ukushininkisha ukuti uyu muntu ali uwafikapo pa bulayo, lintu Talafikilisha ifyo Alanda nangu ifyo Alaya. Eico Abrahamu alailwe ico ukupitila mu lubuto lwakwe ukutula isonde lyonse lili nokupalilwamo, mukutula ena ali nokukwata umwana. Kabili, uyu mwana, ukufuma muli ena alingile ukwisa u Lubuto ulo ulu nokupala isonde lyonse. Kabili Abrahamu, lintu ubulayo bwapelwe kuli ena, akwete imyaka yakufyalwa amakumi cine lubali naisano; kabili Sarah, umukashi wakwe, akwete imyaka yakufyalwa amakumi mutanda naisano. Lelo Baibele itwebo kutula Abrahamu tatenshiwe ku bulayo bwakwa Lesa, ukupitila mukukana cetekela, lelo ali uwakosa, alepela amalumbo kuli Lesa. Kabili Lesa, panuma ya nshita ne nshita, alemweshwa, lelo aishile fika pali ilya nshita yakweshiwa kwa kulekelesha ilyo ukupalwa takulati kucitike.

¹⁰ Kabili ulya e musango cabelamo no Lubuto lonse ulwakwa Abrahamu. Lesa alatupela kulyo kweshiwa ukwa kulekelesha lintu fye Ena talapela ubulayo. Kabili nga kuti cacitwa, kuti Natemwa ukusose cintu cimo pano, palwandi, lelo Nalaikatilila ico. Uko ekweshiwa kwakulekelesha, ukumona ifyo iwe wingankula kuli ico. Kabili ilyo Apele Abrahamu uku kweshiwa, Asangile Abrahamu ukuba fye uwa cine nge fyo ali ilyo atendeke. Wepalo we ifyo lyena lyalaba muno lucelo ngacakutula ifwe twasenda ubulayo bwa bundapishi Bwakwe twaiminafye abacine ngafintu twacitile lintu twaiminine pano nokupokelela cena. Temulandu nefyo dokota alandile, imininafye uwa cine.

¹¹ Kabili lintu ena acitile ici, kabili nokukana ikatilila umwana wakwe umo mpo, lelo ali mupepi nokwingisha umwele pacifuba cakwa Isaki, ukonaula ubunte bwakwe. Ena ubo apelelepo ubunte, mwi sonde lyonse caishibikwe ukuti ena aishibene pamo nabo, ukutula ali nokukwata uyu mwana. Kabili nomba lintu umwana aishile, aipushiwe ukumubweshamo, kabili nokonaula isubilofye limo ilyo ena akwete pa bunte bwakwe ukufikilishiwa. Kabili ilyo Lesa amwene ukutula ali uwacumfwila kuli cilya icicetekelo ico akwete muli Lesa, Lesa aloleshe ukufuma mu myulu kabili Atile, “Ninjalapa ne Mwine ukutula Ndi nokukupala nokufusha iwe, kabili ulubuto lukekata impongolo ya mulwani obe.” We buyalo we!

¹² Kabili Rebekah, uyo wali nokuba nyina wa ici asungile, ubulayo, ukulolela umwana, ilyo aitolwe ku kweshiwa ukwa kulekelesha, ukwa muntu uwaibela uo tatalile ukumonapo. Ena amwenefye ukubomba kwa Mupashi wa Mushilo. Kabili

lintu abafyashi bakwe tabalati mukupwililika bapange ubusalo bwakuti ena pamo naulya mweni nangu iyo, ukuba umukashi wa muntu uo tatala monapo, aletelwe ku kweshiwa ukwa kulekelesha. “Twalabula na cisungu nokuleka ena alande. Ifwe twalaumfwa pakanwa kwakwe ngacakutila ena aleya, ee nangu iyo.”

¹³ Iyo ine enshila cena caletelwamo ku Lubuto lonse ulwakwa Lesa. Cena cifwile caba mukanwa kobe. Lesa afwaya ukumfwa ukufuma kuli iwe.

¹⁴ Eico lintu ena abikilwe mukweshiwa, ena tawayawaile pali mineti imo. Atile, “Ine nalaya.” Nalitemwa ico. Tekutila, “Lekeni ntontonkanyepo bwino. Lekeni mpitulukemo muli ico.” Ena balimwebele mukupwililika. Abo ebantu Lesa engabomfya, lintu iwe bakweba mukupwililika ukutila Lesa alasunga ubulayo Bwakwe. Atile, “Nalaya.”

¹⁵ Kabili abantu bakwe nomba, abasubwa nganshi, limbi bena tabaishibe ico, lelo baseseme ilyo balebika indupi shabo pali nkashi yabo, kabili umwana wabo umwanakashi; uyu uwaemba, umukashana uwa ci Yuda, ilyo bena bamubikile pa ngamali nokumutuma ena ku calo iceni, pakati ka bantu abeni. Lelo kwaliko Icintu cimo pali bena. Bena batile, “Leka ulubuto lobe lwikate impongolo sha mulwani obe. Iwe ukabe nyina wa makana yama millionsi.”

¹⁶ Kabili, ileelo, uyu mutundu wa bantu kabili abantu bakwa Lesa balyenda ukufuma kuli bemba nokuya kuli bemba, ukushinguluka isonde. Muli kulyo kubuka bakaba nge ntanda sha mu Muulu, nga fintu yalya amalaiti yabuuta yaba muncende yashiko, ilyo yalepitana mumakumbi. Kabili lintu bena bakesa, bakaba nga babemba ku . . . nangu imisensenga yakululamba lwa bemba. Kukaba amakana yama millionsi aya bena.

¹⁷ “Ulubuto lobe luli noku kwata impongolo sha mulwani obe.” Ubo bulayo bwakwa Lesa ubwalaiwa, “Ulubuto lwakwa Abrahamu.”

Nomba, ku Mupashi wa Mushilo Wakwe, ukumona ukutila nyina ali nokuba iciputulwa ca mwana, nao, pantu bena ciputulwa ca mubili. Nomba, Mupashi wa Mushilo ukubomba ukupitila muli aba bantu, atile, “Ena . . . Lekeni u Lubuto lobe lwikate impongolo sha mulwani obe.” Nomba, Lesa alapa Ena ukukwata impongolo sha mulwani, nomba nimucifulo nshi umo ico cilebika i Chalichi cakwa Lesa wa mweo?

¹⁸ Ifwe tuli Lubuto lwakwa Abrahamu. Pantu, ifwe pakuba abamfwa muli Kristu, ifwe twaba, twalisenda u Lubuto lwakwa Abrahamu kabili tuli impyani nankwe, mubulayo bumu bwine ubwalailwe. Ifwe tuli Lubuto lwakwa Abrahamu, kabili tuli mpyani sha bulayo ubuli bonse ubo bwapelwe kuli ena. Lelo lintu ukweshiwa kwaisa, apo epo ifwe tufilwa. Lelo Ine nshilecetekela ukuti u Lubuto ulwine lwine ulwa kwa Abrahamu

kuti lwafilwa. Bena baali nokwiminina fye ababulamba kabili abanakila ngafintu Abrahamu acitile.

¹⁹ Nomba tulemona ukutula Lesa tekuti asose icintu icili conse nangu—nangu ukupela ubulayo ubuli bonse kano fye Ena ali no kufikilisha. Ena alingile ukucita ico pakutula aba ni Lesa. Imyaka kuntashi, lintu aba abantu bamo bene, abantu babulayo, imbuto shakwa Abrahamu shali pa bulendo bwabo, ukuya mu—mu calo cabulayo, kwali impongolo iyaiminine, kabili ukulwisha bena, kabili ni munyina wabo, Moabu, uyo uwatile, “Imwe tamwaabuke mu calo candi. Ine nalamona ukuti imwe tamwabwike mu calo candi.”

²⁰ Batile, “Ngacakutula in’gombe shesu shalya icani icili conse icobe nangu ngacakutula shanwa amenshi yobe ayali yonse, ifwe tulekulipila pali fyonse.”

Lelo ena atile, “Imwe tamwaabuke cino calo.”

²¹ Lelo ubulayo bwakwa Lesa bwaiminine ubwa cine. Eico bena baile nokuya senda kasesema wabo, Balaamu, nokumuleta ukuti atipe abantu. Kabili ifi efyo ena alandile. Balyeshe ukumulanga ena ulubali lwabupisha ulwa lubuto lwapalwa, lelo Lesa amulangishe ena ulubali ulwawamisha ulwa ico. Atile, “Onse uyo uwatipa Israeli aali nokutipwa, kabili naonse uwamupala aali nokupalwa.” Kabili nefyaiselwe fyaliswilwe na Israeli aabwike mu malungu. Lesa aali laile ukutula aali nokwikata impongolo sha mulwani wakwe.

²² Ukuya kuntanshi, mu myaka, kwaishile umu uwe shina lyakwa Daniele, uyo uwali munshila ya ulu Lubuto lwa Bufumu, kabili mu nshila yafya lailwe, pantu aali Lubuto lwakwa Abrahamu. Kabili Lesa amusalile ilyo nomufula we sonde taulabako, ukuba Kasesema Wakwe, kabili aikele uwabulamba kabili aikele uwanakila. Kabili nangu mu calo iceni, ena acikabile mu mutima wakwe, “Ine nshakaikoweshe palwandi pamo nabena.” Ulo e Lubuto lwakwa Abrahamu ulwine lwine; ukwikala mu calo ico icaibela, ukwikala pakati ka bantu abo abapusanako, lelo cibe bena ukuba ababulamba kuli bulya bulalyo. “Ine nshili nokwiikowesha pamo nabena. Ndinokwikala uwacine.”

²³ Lesa amubikile mukweshiwa nga fintu Acitilekuli wishi, Abrahamu. Kabili imfumu yatile, “Iwe limbi uli nokuba nga umu pali ifwe nokupepa mumusango tupepelamo, nangu Ndekuposa mwilinga ilyaisulamo inkalamo sha nsala.”

²⁴ Daniele, kwati nga Abrahamu wishi wakwe, atile, “Imwe kuti mwamposa mu ninga ya nkalamo, lelo Ine nshafukamine ku cimpashanya nangu cimo icenu. Ine nsha sende bukapapa bwenu ubwabafye. Ndeikala uwa cine kuli Yehovah.”

²⁵ Kabili kwaishile icakwiilangisha nomba. Imfumu yasungile ubulayo bwaiko kabili yabulile kasesema, nangu yabulile ena nokumuposa mwilinga lya nkalamo. Kabili lintu inkalamo,

ishilwani shakwa Daniele, shaile ku ntashi kuli kasesema, Lesa asungile ubulayo Bwakwe. Aikete impongolo sha mulwani wakwe. Lesa aimike palya Malaika ku cinso cashilya inkalamo, nokubula impongolo. Lesa alasunga ubulayo Bwakwe. “Aali nokukwata impongolo sha mulwani wakwe.” Lesa eflyo alanda ifyo fine.

²⁶ Nomba kwaliko nabambi batatu mulya mwine abalaile abene beka ukuba abanakila umulino, abo abali icine cine u Lubuto lwakwa Abrahamu, kabili ni Shadraki, na Misheki na Abedinigo, kabili bena babikilwe mukweshiwa. Kabili bena batile, “Ngacakutila temukonteme lintu mwaufwa bansago balila namapenga yalila, ngacakutila imwe tamukontamine bukapepa bwesu, kabili nokufumako kufintu ifyo imwe mwa—mwaimininapo! Kabili imwe bonse ifyo mwaingila, nangu cibe ifyo. Bukapepa bwenu tabucililepo pabwa bantu bambi.” Bushe tatumfwa ico inshita yonse? Lelo bu—bukapepa bwakwa Yesu Kritu bwalipusanako. Amaka aya kubuka Kwakwe yaba ayaibela. Tuli bantu abapusanako, abantu abaibelako, bushimapepo ubwa bufumu. Lesa alapanga ubupusano.

²⁷ Lelo lintu batile, “Iwe ufwile ukuba umo ngaifwe.” Cena nga cali fye bwino na Shadrach na Meshach na Abednego nga balefwaya ukuba umo nga bena, lelo bena tabatalile ukuba umo nga beni. Nomba, bena batile, “Ngacakutila imwe mwakana ukucita ico, ifwe natukwata pano umwinshi walubingu lya mulilo uwaisuka, ifwe twalaisula nokumiposamo mukati kaliko, kabili imwe ngakuti mwakabila ukuti ngamwalifye bamo pamo naifwe.”

²⁸ Bena baibukishe ubulayo. Babenseshe ukuya mulya mwiluingu lya mulilo. Kabili lintu baiswule icibi babaposele mulubingu, kubalwani babo ukuti bengo naulwa, bena baikete impongolo sha mulwani wabo. Lesa atumine u Mwana Wakwe muli lulya ulubingu lwa mulilo nokutalalika cilya icikabilila ca mwela, kabili nokulanda pamo nabo lintu baali mulya. Ubulayo bwakwa Lesa bwaiminine ubwa cishinka. Bena baikete impongolo ya mulwani. Ukweshiwa mukubalilapo, nomba elyo bena baikete impongolo ya mulwani.

Bushe te Yesu Uwapangile ubulayo? “Ngacakutila imwe mwapela umulandu kuli umo pali aba abanono, cena kuti cawama kuli imwe ukuti bamikakila icilibwe mu mukoshi nokumiposa mukushika kwa bemba. Tamufwile ukupela umulandu kuli aba abanono abo abacetekela muli Ine. Kabili ifi fishibilo fikakonka bonse abo abacetekela muli Ine.”

²⁹ Ena apangilepo ubupusano. Apangilepo ukulangisha abo abacetekela naba shacetekele.

Palya, lyonse, palaba amabumba yatatu aya abantu, ayo yaba: abashacetekela, abaipanga ukucetekela, naba cetekela. Lelo Lesa alikwata inshila yakushininkishishamo uyo uwaba

uwacetekela. Ulya uwacetelela eminina uwakosa paco Lesa alanda ukuba ine. Ee.

³⁰ Cali ni Eliya, umwina Tishibe, lintu caishileba icakwiilangisha, mpaka atontonkenye ukuti ena ewalifye umu mu calo uyo uwatwalililepo ukwikala na Lesa. Kabili ne mfumu yamubikile ena mukweshiwa. Kabili bena bamupakese. Kabili ulya umunono, namfumu uwaleipenta, uweshina lwakwa Yesebele, atinische ubwikashi bwakwe. Kabili lintu caishilefika pakwiilangisha, Eliya aikete impongolo sha mulwani wakwe noku bwesesa icalo conse kuli Lesa nakabili. Lesa alasunga ubulayo Bwakwe.

³¹ Cali ni Mose, panuma ya kuba mu mulongo wa Lubuto lwa bufumu, u Lubuto lwakwa Abrahamu, ukuti lintu ena atuminwe ukuya mulya mu Egypto, mukupususha abana bakwa Israeli; kabili na Lesa amupele ifishibilo nefisungusho ifyakucita, pakupuma isonde, mukuleta ifyula, ne mpantila, ne mfifi, ne cimwela cikalamba, ne mfula, no mulilo, kabili acitile fyonse ifi fisungusho. Lelo, lintu ena abatungulwile ukufuma noku boko kwakwa Yehovah, kwaishile inshita intu ena akumenye impongolo pakati kakwe ne calo cabulayo. Kwali Bemba wa Kashika, icimuncilinganya munshila. Babasupile kuba bulwi bakwa Farao, impili nefi swebebe, na Bemba wa Kashika. Lelo Mose aile kuntanshi nokwikata impongolo ya mulwani yakwe, kabili aabwike Bemba wa Kashika, apauma, nga fintu aleenda pamusebo walukungu. “Ena aiekata impongolo ya mulwani.” Lesa efyo alandile, kabili ico capwishishe cena.

³² Papitile fye imyaka inono kuntanshi lintu ifyakweshya fyaishile, kabili ne chalichi conse casunkene, nga fintu caba icaanguka ulukuta lwa bantu ukucita lintu icintu cimo cakana ukucitikila munshila balefwailamo ceba ukuba. Lesa acilenga ukuba muli iyo ine inshila. Lesa alaleta ifyakutintana tintana mu chalichi, “Umwana onse uwisa kuli Lesa afwile aeshiwa, noku shininkishiwa.” Aleka amalwele ukupuma pali iwe. Aleka utushishi twa malwele ukwisa pali iwe, ukweshya iwe nokushininkisha iwe ukulangisha isonde ukutila iwe icine cine uuli Lubuto lwakwa Abrahamu. Ena asuminisha ico ukupitila mubufwayo Bwakwe Umwine. Asuminisha ifya masanso. Asuminisha ifibusu ukukwimina. Asuminisha ifi ifintu fyonse, nokulekelako ciwa ukwisa, ukwisa kwesha. Kabili aali nokucita fyonse lelo teti asende umweo obe. Ena kuti akuposa pa busanshi bwa macushi. Ena kuti aleka abena mupalamo bakwimina. Ena kuti aleka ichalichi cakwimina. Ena kuti acita icili conse, kabili cena bufwayo bwakwa Lesa ena ukucita ico. Ifwe bali tufunda ukutila cena caliwama ukucilapo pali golide, kuli ifwe.

³³ Nga palwakwa Abrahamu na Isaki, pa lupili, kuli umu ubulayo bwapelwe? Kabili mukunakila kwakwe na mukwishiba kwakwe, ne cicetekelo cakwe muli Yehovah, cena capitile muli

ico, kabili muli ico ceka, ukutila Lesa aloleshe panshi nokutila, “Ulubuto Lwakwe lukekata impongolo. Ine ninjilapa palwandi ne Mwine neka ukutila Ndinokucita ifi fintu.” Tapali umbi umukalamba ukucilapo untu Ena engalapilamo, lelo Ailapile pa Lwakwe.

Nomba, ngacakutila Ena alekele Abrahamu ukweshiwa ukufika kuli cilya icintu cakulekelesha, Afwile naiwe akweshiwa naine kuli ilya nshita yakulekelesha, ilya nshita yakupango busalo lintu ifintu fyonse fyafumako kuli imwe. Iwe ufwile waiminina weka palya. Alelluya! Ifyo efyo cena caba.

³⁴ Ukwiminina weka. Ukwenda nokulanda kulya ukuti, “Nangula Ena anjipaya ine, lelo Ndecetekelafye Ena.” Ulo e Lubuto lwakwa Abrahamu. Uyo wine e Umo ulya upela ubulayo. “Temulandu nefyo bambi abashala bengalanda, bambi abashala bengacita; kuli ine naba ng’anda yandi, tuli nokubombela Lesa.” Atile, “Ngacakutila bambi abashala batila, ‘Takuli nangu cimo baishiba. Lyena libumbafye lyabasamwa’; kuli ine naba ng’anda yandi, tuli nokubombela Lesa.”

Kabili Ine kuti nafwaya ukubila Paulo pano pene, nokutila, “Munshila iyo iitwa ‘iyabufi’ emo Ine mpepela Lesa wafikolwe fyesu.”

“Ngangula bena abalwambo baisa mu chalichi, nangu abatwala mumbi ifyo tacili, kabili nangu bena bengaba bakasesema babufi abamisango yonse kabili nafyonse ifintu fyaisa mu chalichi pakati ka bantu, namu bena mupalamano nefili fyonse; lelo kuli ine naba ng’anda yandi, tuli nokubombela Shikulu. Nangu bonse benga leka ukwisa, kabili nangu ichalichi catalalila, icabucaibela; ine naba ng’anda yandi, tuli noku bombela Shikulu. Nangula umuntu umo balimupepeleko kabili taumfwile bwino; ico tacikwete nangu cimo icakucita neco; kuli ine naba ng’anda yandi, tuli noku bombele Shikulu.” Ifyakweshiwa nokweshiwa.

³⁵ Abantu tebakaele ku filubo, lelo Lesa aba. Umuntu, iwe bulayo amano yobe nokuyabika pa muntu, ena ali nokupanga icilubo. Limbi te kukufwaya kwakwe, lelo ali nokucita ico. Lesa asuminisha ena ukucita ico pakutila Ena engasunkanya icicetekelo cobe ukucimya ku muntu. Icicetekelo cesu tacaba mu mano ya muntu, lelo mu maka yakubuka kwakwa Yesu Kristu. Apo epo u Lubuto ulwa cine ulwakwa Abrahamu lwabika ubulayo bwa luko. Pantu, bena kuti babafye u Lubuto ulwakwa Abrahamu lintu bena bapokelela Mupashi wa Mushilo. Ukwabula Mupashi wa Mushilo bena tekuti babe u Lubuto lwakwa Abrahamu. Cilya icicetekelo cimo icali muli Abrahamu cisa muwacetekela. Temulandu ne cacitika nangu umusango cingabelamo icapusanako, uwacetekela atwalililapofye ukuya kuntanshi.

³⁶ Inengu shabwelele nokutilla, “Oh, cena—cena bupumbu ukweshako. Tapalipo ukukabila ubwakuya ku ntansi nakabili, pantu balya bantu mapaka yakantu kulya. Kabili balikwata ubuteko bukalama, kabili bena—bena balikwata amafumo, kabili, cinshi, ifwe twamoneke kwati fipaso ukulingana nabena kulubali.”

³⁷ Nshishibe, lelo Nabanjeba ukucetekela pano ukuti Yoshua alepatako panono, panonofye, umuntu umunonoko. Ine ndemumona ena aletoloka pa muulu, pa—pa cili nge cibokoshi, nokutilla, “Mwe bantu nababwana nyina,” ku bantu ama milioni yabili, “ifwe natucilapo ukubacimfya.” Mwamona? Mulandu nshi? Palya pali u Lubuto lwakwa Abrahamu. Lesa alipela ubulayo. Cilya caba cikwatwa cabo. Lesa alipela ubulayo. Tacilesakamika pafyo ukulwisha kwingaba, u Lubuto ulwa cine ulwakwa Abrahamu lwatile, “Ifwe tule cibula pantu Lesa alicipela cena kuli ifwe.”

³⁸ Apo epo imwe mwiminine muno lucelo. Apo epeminine i Chalichi cakwa Lesa wa mweo. Nshilesakamana icho umuntu onse engalanda, ico dokota engalanda, ico cintu conse, ico uushacetekela engalanda, ifwe kuti twacita natucilapo tekuti tulingane naconse ico ici ngesa mukubapo. Tuli Lubuto lwakwa Abrahamu, kabili tuli nokwikata impongolo ya mulwani wesu, temulandu nefyo umulwani engaba. Lesa alipela ubulayo. Cilya cali cabo, icikwatwa cabo.

³⁹ Ubundapishi cikwatwa cenu. Ipusukilo cikwatwa cenu. Mupashi wa Mushilo cikwatwa cenu. Kabili kwaliba abakalama, amakana yaba kashimikila nefyaba ngefyo mu calo ileelo, abo abatilla, “Ico tacaba ngefyo.” Lelo u Lubuto lwakwa Abrahamu lwalishiba ukuti ifyo efyo caba. Bena benda ukwingilamo palya pene nokwikata impongolo sha mulwani. Lesa atile bena bali nokucita. Bena bacetekela ico pantu cena bulayo. “Ulubuto Lwakwe lukekata impongolo ya mulwani.” Nomba imwe muli nokupita mufyakweshwa, ukweshiwa.

⁴⁰ Kabili Yoshua aiminine palya, uwanakilila. Umwana umunono atile, “Ine nshilesakamana napa kupamfuka kwabo bena baali. nshilesakamana nefyo amafumo yabo yali, nefyo imisumba yabo iyacingililwa nefibumba fyaiko ifyansuka, kabili nefyo yaba yena iikalamba. Ubulayo bwesu bwaba, ubwa kuti, ‘Impongolo ili nokwikatwa no Lubuto lwa bana bakwa Lesa,’ kabili tuleya kulya nokuba cimfya. Ifwe tekuti tulingane nabo.” Oh, ulo e Lubuto lwa cine.

⁴¹ Abengi balya abafyelwe, imbuto shacifyalilwa, batile, “Ifwe tekutifye tucite ico. Tapali neca kukabila ica kwesha ukucita ico. Mwamona, ifwe nabatucila ku bwingi. Tatuli ba mwibumba lyabo; ifwe tulifye ifintu ifili fyonse.” Temulandu, ena tali... Bena baleloleshapaco... ilinso lya mwene. Lelo Yoshua alelolesha paco Lesa alandile.

42 U Lubuto lwakwa Abrahamu tululolesha kucintu icili conse ica cifyalilwa. Lwena lulolesha kuco Shikulu alanda. Ico e bulayo. Ngacakutila Abrahamu aloleshe ku cifyalilwa? Pa mwanakashi wa myaka umwanda umo iyakufyalwa... Amakumi pabula, iyo ena akwete. Kabili ena aali no mwanda umo. Kabili aikele pamo nakwe ukutulafye lintu aali umukashana munono, naena aalifye umulumendo munono, kabili tabakwata umwana. Ena taloleshe pali ifyo fintu. Atile apendele filya fintu nge fishalipo, pantu ena aloleshefye kuco Lesa alandile. “Nkakupala iwe, Abrahamu, kabili Nkakupela ulubuto muli Sarah.” Kabili ena aceteketele ico. Iwe taufwile ukulolesha ku cakulwisha. Ifwe tulolesha paco Lesa alanda. Lesa alanda ico, ninshi ico capwa cena.

43 Eico nombamba lintu ena aishile ku Yordani, lintu Yoshua apangilwe umukalamba-wa- bulwi, kabili bafika nakumpela ya menshi kabili nokulolesha kwi shilya kabili nokumona Yeriko. Lelo, pakati kabo, lintu Yoshua nabamulalo wa nkondo bwakwe nabaipékanya, kwali impongolo. Ilya impongolo yaleitwa Yordani.

Lelo ubulayo bwakwa Lesa bwaliba ubusuma pa mpongolo ili yonse. Te mulandu nefyo impongolo ili ubulayo bwakwa Lesa busuma. “Ena aali nokukwikata impongolo sha mulwani wakwe.” Ico cena ninshi nacipwa.

Lintu ena aishile ku Yordani mu lucelo lulya, limbi, Nalacetekela ukuti ciwa aletele umakumbi ya cimwela cikalamba ayaleselela konse konse, amenshi yamatipa ayafundauka ayamulamba yalepita yaleya, amabala yalisendelwe ukuya monsemonse ne lyeshi. Oh, we nshita we iyakweshiwa! Lelo Yoshua atile, “Ipekanyeni, imwe mwalamona Ubukata bwakwa Lesa.” Kabili baishishishe abene beka palwabo nokwiipekanya, ukwiipekanya lintu ifintu fyonse fyalemoneka ukuba ifyapusanako. Lelo lulya lwali Lubuto lwakwa Abrahamu, untu Lesa ailapile, “Ndinokumupela ena impongolo.” Ena aishile ku Yordani, ilya eyali impongolo yakwe, kabili aikete yena.

44 Shimo ishi inshita sha lucelo Naine ndinokwisa kuli iyi mpongolo yakulekelesha pamo. Naimwe mufwile mwaisa ku Yordani, lelo u Lubuto lwakwa Abrahamu luli nokwikata impongolo. Temulandu ifyo cingaba cena, ena aali nokwikata impongolo ya mulwani onse.

45 Bonse balya abantu bali abantu bakalamba. Bafwilile pa ncito. Lelo, mukushalikisha, ubushiku bumo mu Betelemu yakwa Yudea, u Lubuto ulwa Bufumu walifyelwe. Ulo, shonse ishashala shalifye finshingwa. U Lubunto lwa Bufumu lwa lifyelwe, teku muntu. Lelo Afyalwe kuli na cisungu, pamo na Maka mu mishipashipa Yakwe ukucimfya imfwa naku mbo. Lesa apangile ubulayo. Umuntu wafye tekuti acite

ico. Lelo ngacakutila Lesa apanga ubulayo, Ena abafye ni Lesa umo wine untu Aciba ama mineti yanono kunuma, pamo na Abrahamu, Yehova-jireh, Shikulu aleimwena inshila iyakusendelamo impongolo. Nimumusango nshi twalacitilamo ico? Yoshua alifwa. Mose alifwa. Nabashala bonse balifwa. Lelo Lesa atile, “Ena aali nokwikata impongolo ya mulwani wakwe.” Nimumusango nshi akekatilamo ifwa? Ena aalikwata inshila yakucitilamo ifintu. “Aali nokwikata impongolo yamulwani wakwe.”

⁴⁶ U Lubuto lwa Bufumu lwalifyelwe. Ena aeshiwe mu musango onse nga fintu naifwe twaba. Pamofye ngefyo naimwe mwaingeshiwa, efyo na Ena cali. Ciwa bwangu bwangu Amusendele, lintu Apokelele Mupashi wa Mushilo, amutwele mu matololo panshiku amakumi yene akasuba nobushiku, mukweshiwa. Kabili lintu Afumine. . . Kabili pa mfwaka Yakwe, bapopele imisumali mu mabako Yakwe, nokufwishila amate pa cinso Cakwe. Ena apitile mukulwala konse. Lelo lintu Aali pano pe sonde, Ena ashininkishe ukuti kuti Acimfya ama lwele. Lintu nyina wamukashi wakwa Petro alele nalwala, impepo, aikete ukuboko kwakwe nempepo yafumine pali ena. Lintu uwafibashi abilikishe palya pa mpongolo, “Uwalamba! Uwalamba! Ngacakutila Iwe wafwaya, Iwe kuti walenga ine napola.”

⁴⁷ Atile, “Nalacita ifyo. Ba iwe uwapola.” Ena acimfishe nokubula impongolo ya fibashi. Ena abulile impongolo ya mpepo.

Alengele ububumbo bonse uku Munakila. Ena aali Lubuto lwakwa Abrahamu, u Lubuto lwa Bufumu, Umo untu ubulayo bwapelweko; kuli Ena, Abrahamu na lonse u Lubuto lulya lwamukonkele, ukufika naku Lubuto lwa Bufumu, kabili na shonse Imbutu panuma Yakwe. Ubulayo lwakwa Lesa bwa cine. Ena acimfishe amalwele.

Acimfishe ukweshiwa. Lintu umulwani afwishile pa cinso Cakwe, amutobele ulupi kwisaya Lyakwe, Apilibukile kulubali lumbi. Lintu bamunukwile umwefu pa cinso Cakwe kabili nokumufwishila Ena, Tatalile abwekeshamo. Acimfishe impongolo yakweshiwa nokwi isenda.

⁴⁸ Nomba imwe mwatila, “Ukufulwafulwa kwandi teti kuleke ine ukucita ico.” Iwe, uuli Lubuto lwakwa Abrahamu, ee, mukwai, Ena aalikucimfishe ico.

⁴⁹ Lintu bamupumishe Ena, Tabwekeshemo pali bena. Lintu Bale museka, Ena aikele no mutende Wakwe. Lintu ba Mwitile iciwa, Ena aikele no mutende Wakwe. Akwete umulimo umo, kabili noyo wali mulimo wakwa Wishi, kabili Ena aile alebomba ulya wine. Nomba, mukulekelesha, Bamutwele ku capindama. Imfwa yali pali Ena. Bonse abashala bacimfishe ba bamba, kabili bacimfishe ububumbo, kabili bacimfishe inkalamo,

kabili bacimfishe umulilo. Bena bacimfishe ifili fyonse lelo kanofye imfwa. Lelo kwali Umo untu calepamfya muli bongobongo Wakwe, mumishipashipa Yakwe, kabili alikwete Amaka ya kucimfya imfwa. Eico babulile amaboko Yakwe nokuyatambalika Yena noku mupopela Ena pa capindama. Bena Bamumine noku Mufula mpaka amafupa Yakwe yalolekesha pali Ena. Lelo lintu bacitile ico, kabili nokucita conse ico balefwaya, ifwa ya Mupumine, yatile, “Nomba Nala Kusenda ngafintu Nacitile kuli Yoshua. Nalakusenda Iwe ngafintu Nacitile kuli Daniele. Kabili Nalacita fyonse ifi, pantu Nalakulenga Iwe ukufwa.”

⁵⁰ Kabili Ena afwile mpaka akasuba kaumfwile insoni pa lwakako. Afwile mpaka ububumbo baumfwile insoni kabili bwena bwafililwe ukubomba. Akasuba kawile pakati ka kasuba. Intanda shafililwe ukufuma. Ena afwile mpaka ifyapangwa fyaalwike ifya fita icakuti teti umone ukuboko kobe ukuli mupepi naiwe, pakati kakasuba. Ine kuti naingililamo ububumbo bwatila, “Lekeni mfwe pa na Imwe.”

⁵¹ Munyina! Nomba ciwa atumine umweo Wakwe iwawama mu filindi fyabula impela ifya kumbo. Kulya impongolo shaiswike, lelo Aishile fuma ubushiku bwalenga shitatu, acimfishe cena. Ameni. “Ulubuto Lwakwe lukekata impongolo ya mulwani.” Acimfishe imfwa! Acimfishe kumbo. Pali lulya ulucelo lwape Pasaka ulwakubalilapo, Ena acimfishe inshinshi. Nomba ifwe natwiminina, ukucila pali bakacimfya, ukupitila muli Ena Uyo uwatutemenwe ifwe.

⁵² Pa Bushiku bwa Pentecosti Atumine Mupashi wa Mushilo, ukutwalililapo, ukupita mu Benafyalo, ukufumyamo u Lubuto lwa bulayo. Ukupela ku Benafyalo, abasulwa, ukubapela bena ulubatisho lwa Mupashi wa Mushilo, ukubaleta mu Bulayo. Nomba natukwata isambu shakucimfya yonse amalwele. Ifwe tatufwile ukucimfya yena; yena yalicimfiwa kale. Ifwe tufwile twalandafye ukuti bwesu ubulayo elyo twaya nokubula bwena. Bwena bwali cimfiwa kale. Imfwa yali cimfiwa. Imbo yali cimfiwa. Amalwele yali cimfiwa. Ukweshiwa kwali cimfiwa. Ifiwa fyonse fyalicimfiwa. Imbo yali cimfiwa. Imfwa yali cimfiwa. Inshinshi yali cimfiwa. Ifwe twaliminina pa mpongolo, ukuisenda yena, tatufwile nokupika imfuti. Yena yalilipilwa kale.

⁵³ Abalwani Bakwe, Ena aali nokwikata impongolo yamulwani wakwe. Nibanga impendwa? Amakana yama milioni. Ena aali nokwikata impongolo ya mulwani wakwe, umulwani onse. Aimine ukufuma ku bafwa. Ifwe twalikata yena pantu Ena apele yena kuli ifwe. Yena yonse bupe bwabula umutengo, ukulundako kuli ico conse, kabili ne fintu fyonse ifyo Ena acita, kabili nokucimfya impongolo yonse. Ena aali cimfya amalwele, aali senda impongolo. Icintu fye ico ifwe tufwile ukucita kwenda

ukuya ku mpongolo, nokutila, “Mwi Shina lyakwa Yesu Kristu, Kacimfya!” Amenii.

⁵⁴ Lintu yaisa inshita yakufwa, ne mfwa yatila, “Moneni kuli ine nalamulenga ena abwelelemo kuli bukapepa bwakwe.”

⁵⁵ “Mwi Shina lwakwa Yesu Kristu waku Nazareti, isuleni Yordani!” U Lubuto lwakwa Abrahamu lwasenda impongolo.

⁵⁶ Emulandu, Paulo alandile, lintu balepekanya ukumuputulako umutwe, u Lubuto lwaka Abrahamu, ena atile, “We mfwa, ulubola lobe luli kwi? We nshinshi, ukucimfya kobe kuli kwisa? Ukutotela kube kuli Lesa Uyo utupela ukucimfya ukupitila muli Yesu Kristu.”

⁵⁷ Ena aali nokwikata impongolo ya mulwani, ukuiisenda yena. Nomba, ena tauminwe pa mpongolo. Ali nokucimfya yena nokwiisenda. Ali nokuiikata yena. Ico caba mu Maka yakwe umwine.

⁵⁸ Mu Chalichi cakwa Lesa wa mweo, munu lucelo, muli a Maka ayakundapa yonse amalwele. Mu Chalichi cakwa Lesa wamweo muli Amaka ayakucimfya ukweshiwa konse. Mukwikata kwa Chalichi ca kwa Lesa wamweo, muno lucelo, muli Amaka yakukaka ulubembu nokuposa lwena ukutali, nokupokelela ulubatisho lwa Mupashi wa Mushilo, mu Chalichi cakwa Yesu Kristu.

“Conse ico iwe ulekabila, ipusha mwi Shina Lyandi, kabili cena cili nokupelwa kuli iwe. Pakashita akanono, isonde (ili shili-u Lubuto, ulubuto ulusha lengwa cipya) taluli nokumona Ine nakabili. Cibe imwe muli nokumona Ine, pantu Ndi nokuba pamo naimwe, nangufye muli imwe, ukufika nakumpela ye sonde.” Cinshi? U Lubuto lwa Bufumu. “Imilimo intu Ine ncita, naimwe muli nokucita pamo. Ine nkaishininkisha pa Lwandi ukuti Ine ndipamo naimwe, pantu ifi fishibilo filii nokukonka abo abacetekela.”

Ena aali nokwikata ulubuto lwa mulwani wakwe. Ena aali nokwikata. Ulubuto Lwakwe luli nokwikata luli nokwikata impongolo ya mulwani wakwe, temulandu nefyo impongolo ingaba. Ngacakutila yena yengaba amalwele, ukweshiwa, ulubembu, yonse impongolo ifyo ingaba, yena ilacimfiwa. Kabili no Lubuto lwakwa Abrahamu lulalwikata.

⁵⁹ Bushe tatuli abansansa, muno lucelo, ukwishiba ukuti ifwe nomba twaiminina ukucila bakacimfya, ukucila bakacimfya? Oh, tapali nangu cimo icakulwilapo. Ukulwa nakupwa. Wisulo nailila. Uluunga nalwima. Kabili pakati kamwina wa lubembu ululi lonse, pakati konse akamuputule wa mulwele onse, pali icapindama cakale icakwata imimonekele yamaka, icalimbwa no Mulopa wakwa Yesu Kristu, Kacimfya. Icintufye ico ifwe tufwile ukucita ku cetekela ukulolesha nokuba no mweo.

“Ndi nokulaba pamo naimwe. Ndino kushininkisha. Abantu balesa munshiku sha kulekelesha, nokutila, ‘Oh, ukuba, cilya *caciba*.’ Lelo Ndinokulaba pamo na imwe. Kabili ne fintu filya fine Ncita, pano pe sonde, Ndinokuba muli imwe, ukulacita filya fine ifintu fimo fine. Nomba bena bali nokwishiba. Bena bali nokumona Ine. Aba . . . Abantu bandi bali nokumona Ine. U Lubuto lwakwa Abrahamu luli nokumona Ine. Bena balinokumona Ine. Bali nokunjishiba Ine. Bambi bali nokwita Ine, ‘Bealzababu,’ pamofye ngefyo bacita. Lelo imwe muli nokunjishiba Ine, pantu Ndi nokuba pamo naimwe. Imwe muli nokumona Ine, ukumona na menso yenu. Imwe muli nokumona Ine, pantu Ndi nokuba pamo naimwe, nangufye ku mpela ye sonde, ifintu fimo fine fintu Ncita. Ena uyo uwacetekela pali Ine, imilimo intu Ncita nao wine ali nokucita pamo, umusango wa mulimo umo wine.”

⁶⁰ Kabili, ileelo, i Chalichi cakwa Lesa wa mweo calikwata insambu sha kwiminina nokumona ukucimfya, muli Yesu Kristu uwabuka, u Mwana wakwa Lesa wa mweo, uulipo naiminina, naikala mu Chalichi Cakwe, alecita ifintu Acitile lilya. Nomba ninshi ifwe natwikata impongolo ya mulwani uuli onse.

⁶¹ Ngacakutila naukwata umulwani muno lucelo, nomba, munyina wandi, kulifye cimo . . . Ngacakutila uuli Lubuto lwakwa Abrahamu, panuma yakumfwa ici, takuli ifiwa ifyalinga ku mbo ifi ngesala ilya mpongolo kuli iwe. Yena ili nokwisuka. Nshilesakamana ifyo yena ili. Iwe enda nokuya kulya, ngo Lubuto ulwalaiwa, utile, “Nalanda ici ukuba icandi. Ici candi, pantu Lesa alapile ukuti Ena aali nokwimya Yesu, kabili, ukupitila muli Yesu, Ine nde cimfya cena. Naishila mwi Shina lyakwa ulya Kacimfya, Yesu Kristu. Bwelelamo kunuma. Ndepita ukuya.” Amen. “Ena aali nokwikata impongolo ya mulwani.” Nomba imininina palya, pamo namapeya ukuya kunuma kabili ne nkwelelwa yobe ilebengeshima, iya fimbwapo no Mulopa wakwa Shikulu Yesu. Umulwani aali nokwishiba cena.

⁶² Naukwata icakukabila, landa kuli Ena nomba ilyo tulepepa, imwe mwebali muno, luno lucelo, ilyo mukontamikeko imitwe yenu. Kabili ngacakutila imwe namukwata icakukabila, bushe kuti mwaimyako amaboko yenu ukulola kuli Yesu? Kabili landafye ico mumutima obe, mumutima obe, nokutila, “Shikulu, Imwe namwishiba ukukabila kwandi. Nomba, Ine nin’gumfwa, muno lucelo, kabili ico e Baibele, ‘Ena aali nokwikata impongolo ya mulwani.’ Ine naisa mukwikata impongolo. Limbi Ine nalikwata ukufulwafulwa. Limbi Ndekabila Mupashi wa Mushilo. Ulubembu lwalinkaka panshi. Nikwata icakukabila. Lelo nomba Naisa ku mpongolao. Nalabula cena, muno lucelo, impongolo yandi. Eico, peleni ishila, Ine nalaendamo.”

⁶³ Shikulu mweba Palwa, Imwe mwamona yonse ayamaboko. Kabili Imwe namwishiba ukuti ici Cebo Cenu, Shikulu. Ine nacambulafye Cena, kaili nokucileta ukupitila mu Malembo.

Abantu ba muli Baibele ifyo bena bacimfishe ubufumu ubwingi nokucita ubulungami, kabili nokushimya umulilo, ubukali bwa mulilo, kabili nokubutuka ukutwa kwa lupanga, nokwisala utunwa twa nkalamo ishingwi, kabili, oh, nokucilapo, ulupanga abanakashi bapokelele abafwa babo ukubwelela ku mweo, kabili nefintu ifingi, pantu Imwe mwalilaya ico. Bwena bulayo Bwenu, “Ulubuto Lwakwe.” “Ulubuto Lwenu Abrahamu, luli nokwikata impongolo ya mulwani.” Kabili Imwe mulasunga ubulayo Bwenu.

⁶⁴ Nomba peleni kuli bena, Shikulu, ukukabila kwa mitima yabo. Lekeneni baye ukufuma pano abantu abaibela. Lekeneni baye, nabeshiba ukuti bena—bena niba kacimfya, pantu lulya u Lubuto lwa Bufumu lwalibacimfisha bena. Imfumu ya Bufumu, lintu Yena yaisa, iya fyelwe kuli nacisungu, Yena yalicimfya umulwani onse, nangu fye ni mfwa. Eico imfwa paya luko tekuti itinye u Lubuto lwaka Abrahamu. Ifwe twalikwata ubulayo ubwakuti tuli nokupyana isonde, kabili tuli nokubwela nakabili mu nshila yabukata iyacilapo, mu mubili wa katamikwa, panuma ya mulwani wakulekelesha nabikwa panshi yamakasa, ya umofye kabili uwakulekelesha umwana wakwa Lesa uyo uuli nokwisa mu Bufumu.

⁶⁵ Ngacakutila kuliko bamo abemishe amaboko yabo Shikulu, abo ababembu, bapususheni bena. Abo abapona, lekeneni bena beshibe ukuti tabafwile baikalilila abapona. Ena kuti aikata iyo impongolo yaku pona. Limbi uyo umu uwaba nokufulwafulwa, u—uwalulimi lwabipa, uwalulimi lwakowela, nangu umutima wa lunkumbwa, nangu umu uwafunuka, pa lupiya, nangu—nangu icintu cimo icatapa, lekeneni bena beshibe ukutila kuti baikata ilya mpongolo. Limbi kwena kulwala, Shikulu, kupakaswa. Bena kuti baikata ilya mpongolo, “Pantu Ena alashilwe pa membu shesu, acenenwe pa mampulu yesu. Ukukalipilwa kwa mutende wesu kwali pali Ena, kabili mufipumo Fyakwe twalyundapwa.” Ifwe tuli bakacimfya muno lucelo. Fikilisheni ico, Shikulu.

Kabili ukulundako kuli ico conse, ulya umulimo uukalamba uwacitilwe na Ena, cibe Ena ali pamo naifwe. Cibe, Ena alaile Ena ukucita ico. “Pakashita akanono ne sonde talili nokumona Ine nakabili, lelo imwe muli nokumona Ine; pantu Ndi nokuba pamo naimwe, nangufye muli imwe, ukufika nakumpela ya nkulo.” Napepa, Taata, ukutila Imwe mwalailenga Mwebene ukwishibikwa kuli cila umu na onse muno lucelo. Pantu twaipusha ico mwi Shina lyakwa Yesu. Amen.

⁶⁶ Bushe namucetekela ico ukuba ica Cine? Mukuposako amano cetekeleni ico ukuba Icine, ukukana kwata nangu kumo ukutwishika mu mutima yenu. Nomba ibukishenifye ici. Ukubomba kwa Mupashi wa Mushilo kwaliba ukwaanguka nganshi icakutila cilafulunganya aba mano yabasambilila. Ifintu ifyaanguka nganshi ifyo Ine nshatala... Namonapo Mupashi wa Mushilo ukucita ifyo. Ine kuti nalanda ifintu ifyo,

mulandu nshi, Ine nshinga tontonkanya palwa ico ukuba muli iyo nshila. Ngacakutala Nali nokubomfya amano yandi, Ine kuti natila, “Ukuba, ico tacili icalungama.” Lelo cena lyonse caba icalungama. Ena acita ifintu ifyaba ifya anguka nganshi. Kabili Acita ifintu ukulenga Umwine eka ukwishibikwa ku bantu Bakwe. Lesa aba pamo na bantu Bakwe. Ena aba pakati ka bantu Bakwe. Aali batemwa. Kabili afwaya Ena ukubombela abantu bakwe kabili nokubafwilisha; kabili nokubaleka bena beshibe, tefilya Ena *ali* nokucita, lelo nifilya *fintu* Ena acita. Ena aalicita kale ico. Cena cenu. Caliba icenu. Cena cabupe icabula ukushita ukufuma kuli Lesa Taata wesu, ku Chalichi Cakwe.

⁶⁷ Nomba ifyo amano ya buntunse yakafulunganishiwa nganshi, nga mu nshiku shakwa Daniele, na munshiku sha bana ba ci Hebere, na—na abengi abo tulandilepo muno lucelo. Mwamona, isonde ilikalamba ilya mano muli bulya bushiku lyali fye ilyakosa ku kucimfya nge fyo cili nomba. Cena lyonse caba mulwani, ku musango wabo uwa kumona, kabili na scienci yabo iya leelo nefintu, fyalifye ifya kolobenkana nefintu, kuli bongo bongo lilya, ngefyo iyese ili ileelo. Mwamona, cali icintu cimo cine. Lelo kwaliko balya, lyonse, abo abali abapama ukwikala kulya no kusosa, “Les aalilungama. I Cebo cakwa Lesa ca cishinka.”

⁶⁸ Kabili, imwe, tamulingile ukucimfya, pantu Alicimfishe. Icintu fye cimo ico mulingile ukucita caba fye ukuya kulya no kusenda, ukwiminina pa mpongolo, no kutila, “Cena candi. Ici candi. Lesa apele cena kuli ine, ipusukilo lyandi. Nga Ndefwaya u Mupashi wa Mushilo, Lesa aliupele Wena kuli ine. Ubulayo buli kuli ine, ku bana besu, bonse abakutali, abo bonse abo Shikulu aketa.” E mulandu wine Njimine. Fye. . .

⁶⁹ Ubupyungishi bwandi, ubwa uku kulingulula na fimbipo, cili nokupwa nombaline. Oh, lyonse cikabapo. Lelo ililine cikapwisha ici, pantu cileya ku cintu icicililepo. Mwamona? Cileya pamulu; ukufuma mu kwikata ukuboko, mpaka ku kulingulula, kabili nomba ena aletyanya ukupanga na cimbi. Mwamona? Mwacimona. Cilolekesheni nokwishiba ukutla cena cishinka. Mwamona? Ninjishiba ukuti cena Cishinka. Kabili cili nokuya icikalamba, mu mulu, icawamisha. Mucine. Mulandu nshi, Aalilaile cena. Kabili ifyo Ena alaya, Alacita. Ena teti afilwe mu bulayo Bwakwe. Kabili cena ni cinshi? Ukubapo Kwakwe ukwa mweo-lyonse pamo na ifwe, ukuleka cena, ukeleka imwe ukwishiba ukutla Ena alimisendelako impongolo imwe.

⁷⁰ Ena ali u Lubuto lwa Bufumu. Takwali nangu umo uwingasenda shilya impongolo kanofye Ena. Fyonse filya kunuma kulya fyali finshingwa fya kwisa Kwakwe. Lelo ilyo Ena aishile, cena capwishishe ubulwi bonse. Ubulwi bwalipwile pa Getsemane na pa Kalbale. Kabili nomba twiminina fye, nga ba kacimfya. Takuli ubulwi nangu bumo ubwa kulwa. Ifwe. . .

Ubulwi bwalipwa. Cabafye cintu cesu, ninkalata ya citupa kuli cena. Icishininkisho icalembwa na Lesa, Taata wesu, Uyo waimishe ukuboko Kwakwe, atile, “Ndelapa pali Nemwine ukuti u Lubuto lwakwe lukakwata impongolo ya mulwani.” Efyo cili. Cena calipokwa akale. “Ena *alashilwe* pa mampulu yesu. Mu filaso Fyakwe *twalyundepwe*.” Cena calicitwa kale. Cena mulimo uwapwishiwa. Ifwe tucikwata fye. “Ne milimo iyo ncita, na imwe mukacita.” I Mfumu ili na ifwe, muno lucelo. Amapalo yakwe ayakalamba, u Mupashi wa Mushilo, ule enda pamulu wesu. Ukumfwa ilye myumfwile iya bukata, ukwishiba ukutila cena ni filya fine ne i. . . icalungatana ne Cebo cakwa Lesa. Cilatupela icialaliko icawamisha nganshi, ukwishiba ukutila—ukutila Lesa ni Taata wesu.

⁷¹ Nomba, Ndecetekela, bushe ena—bushe ena acipela ifitupa fya kupepelwapo muno lucelo? Nacimweba, cili fye, nga takwaciba ukucila fye abantu ba pe hema, ukuba, ukukana pela ifitupa fya kupepelwapo. Lelo nga kwaciba—kwaciba abengi ukufika kwi kumi, abantu ikumi limo na basano, nangi icintu cimo, abeni mumpongolo, mulandunshi, ukupela ifitupa fya kupepelwapo, pakutila twingabeta kuno no kuba pepelako. Nibanga abeni pali ifwe muno lucelo? Imyeni ukuboko kwenu. Oh, owe! Mucine. Kuliko ikumi limo na basano nangu amakumi yabili aya balya. Cisuma. Twalatantika ifi ifitupa fya kupepelwapo no kubaleta ku ntanshi. Mwamona, umulandu Nacilandila pa bantu ba “pe hema”, bena bali muno.

⁷² Uku ukulingulula. Ibukisheni, Ndelanda ici. Ukulingulula nombaline kukafika ku mpela. Kukaba icintu cimo icikalamba ukucilapo kabili ica wamishapo, icilifye munshila. Kwaliko, abo Naishiba, ukumona imwe ukulolesha pali ba munyina babili nomba, abo abaiminine pamo na ine mailo, ilyo cilya cacitike, mwamona, kabili ubushiku bwatangilile, ilyo cena cacitike. Kabili ico cili imiku itatu mukukonkana, nomba, ici cilacitika, icishininkisho ukutila cena cili fye nomba mupepi, mwamona, cena cili mupepi nokucitika.

⁷³ Nomba, Shikulu, Imwe muli Lesa, kabili ifwe tuli babomfi Benu. Ifwe Tulemutasha pa Cebo Cenu, pa Mupashi wa Mushilo, Uyo wapala imitima yesu. Kabili nomba tuli abansansa. Natwikala muno, ukwishiba ukutila ifwe nifwe ba kacimfya. Twalikwata kale impongolo shonse isha mulwani. Cena calipelwa kuli ifwe, kabili twalikwata ulufungulo ulukalamba mu minwe yesu. I Shina lyakwa Yesu Kristu lika- . . . likesula impongolo yonse iya mulwani. Buleni ulu lufungulo, ulufungulo lwe Shina lyakwa Yesu, Nokwi- . . . ukwisula yonse impongolo ya mulwani iyo iyamukaka ukufuma ku bulayo ubuli bonse.

Kabili, Lesa, muno lucelo twaisa mwi Shina lyakwa Yesu, nolu ulufungulo, mukwisula impongolo pa balwele na bacushiwa. Pantu calilembwa mu—mu Cebo Cakwe, “Mwi Shina Lyandi bakatamfishamo ifiwa. Bakalandila mu ndimi ishipya.

Kabili nga babula insoka, nangu ukunwa icintu icili conse icipaya, tacilingile ukabacita ubwafya. Bakabika indupi shabo pabalwele nabo bakondapwa.” Twalishiba ukuti ifyo fintu fya cishinka. Kabili peleni, muno lucelo, Shikulu, ukutila bena bali, abantu bali no kumona cilya, ukupitila mukulangisha kwa Cebo ukulengwa umubili nokwikala pakati kesu, ukuti, “Alashilwe pa mampulu yesu; mu filaso Fyakwe emo twaundapilwe.” Kabili shi bengasumina cena no kundapwa, muno lucelo, ukufuma ku kukalipwa kwabo konse kabili amalwele na mafya. Twacilombela mwi Shina lyakwa Yesu. Amenii.

⁷⁴ Bushe kuti walisha, Teddy, *Cetekelafye*, mumutalalila kabili panono panono, nga kuti wacita ico.

Nacinshi cimbi? Bushe wacitamila pali cimo? Icakubalilapo, icitupa ca kupepelwapo. Cimo, fibili, fitatu, fine, fisano, mutanda, cine lubali, cine konse konse, pabula, ikumi, nangu fyonse efco fili. Cisuma. Kuti imwe mumutalalilafye, nga kuti mwaima, ukwisa kuli ulu lubali.

[Munyina atila, “Nibanga abo mwaciita?”—Kale.] Huh? [Umo atila, “Cilya eco. Cilya eco.”] Nalimo . . .

Natumone, icakubalilapo, ica bubili. Ni nani akwete icitupa cakupepelwapo ica bumo? [Munyina atila, “Nincikwata.”—Kale.] Ee. Ica bubili. Cisuma, mukwai. Ica butatu, ica cine, ica cisano, ica mutanda, ica cine lubali, ica cine konse konse, ica pabula, ice kumi.

⁷⁵ Ilyo baleisa kuno no kusenda ififulo fyabo ifya kwimininapo, Ndefwaya ukwipusha ilipusho kuli bamo imwe mwebashala. Ni banga, bushe muli abali bonse abantu ba pe hema pano, abali abalwala? Abantu ba pe hema, imyeni ukuboko kwenu. Nalimo yasano . . . yane, yasano, mutanda, cine lubali, cine konse konse. Cine konse konse nangu amaboko pabula. Bushe kuliko umuntu uuli onse muno mwi hema, uyo uushili wapano pe hema, abali abeni pali ifwe, nangula imwe limbi mwacisamo panuma ya kulongana kabili tamwacipoka icitupa cakupepelwapo? Bushe kuti mwaimya ukuboko kwenu? Uuli onse uyo ukwete ukukabila kwakwa Lesa, uyo uushila . . . ulya—ulya uushisa kuli lino ihema. Abali bonse muno aba shaba ba membala ba lino ihema, kabili—kabili nombamba na mulwala kabili tamukwete icitupa ca kupepelwapo, mulefwaya ukwibukishiwa mwi pepo? Bushe kuti mwaimya ukuboko kwenu, umuntu onse? Cisuma. Ico cisuma. Cisuma.

⁷⁶ Nombamba Nalaipusha nga kuti mwaba fye na katina nge fyo mwingaba, pa ma—ama miniti fye ayanono, elyo kabili twalatendeka ililinefye no kutendeka. Nombamba lekeni tumone. Ni ncende nshi mushela nayo apo, Billy? Cisuma. Bushe natukwata impendwa ye kumi pamulu palya? Nacipunda cimo ukufika pe kumi.

Ikumi limo na cimo, ikumi limo na fibili, ikumi limo na fitatu, ikumi limo na fine, ikumi limo na fisano, lekeni beminine nomba. Nga cakuti pali impendwa ikumi limo na cimo, ikumi limo na fibili, ikumi limo na fitatu, ikumi limo na fine, ikumi limo na fisano, lekeni beminine. Cisuma. Cimo, fibili, fitatu, fine, fisano, mutanda, cinelubali, cinekonse konse, pabula, ikumi, ikumi limo na cimo, ikumi limo na fibili. Pabulila nalimo fibili, ukufuma pali cimo ukufika pe kumi limo na fisano. (. . . ? . . . cine lubali, cine konse konse, pabula, ikumi, ikumi limo na cimo.) Ikumi limo na fisano, ikumi limo na mutanda, ikumi limo na cine lubali, ikumi limo na cine konse konse, ikumi limo na pabula, amakumi yabili.

⁷⁷ Oh, loleleni pali miniti. Na—Nacimweba fye ukupela ifitupa fya kupepelwapo ku bantu abo abashili bapano pe hema. Ico cishinka. Mwamona? Pantu, kuti caba, mwamona, ukulingulula. Abantu batila, “Aba abantu balesa kwi hema.” Mwamona? Nde—Ndemweba. Nibanga abaisapo kuno . . . abashatala ukwisako kuno? Lekeni tumone ukuboko kwenu, takuli nangu umo uyo watala ukwisapo mukulongana kwandi nangu kumo. Cisuma. Cisuma.

Nomba, cisuma, pakashita fye nomba, Muniyina Teddy.

⁷⁸ Nomba kuti Nalanda ici, ukutila, imwe bonse mwalyumfwapo palwa kulongana, ifyo kucitika, nangu cibefyo, bushe mwalyumfwapo, abantu bonse balisangwapo mukulongana? Mwamona? Ilyo Shikulu wesu Yesu ali pano pe sonde, Ena taleitunga ukuba kondapa. Ena ali Lubuto lwakwa Abrahamu, mucine, kabili Ena alikwete ubulayo pamo na Ena. Atile Tacitile icintu nangu cimo mpaka Wishi amulangisha Ena. Bushe ico cishinka? Kabili Atile, “Teti nchinte nangu cimo mpaka Taata anangisha ifyakucita.” Kabili Ena acimwene ukupitila . . . Tacili “mpaka Taata *anjeba* Ine.” “Mpaka Taata *Anangisha*.” Yohane Washila 5:19, “Ifyo Mona Taata alecita, ifyo no Mwana acita ifyo fine.”

⁷⁹ Nomba ilyo Ena—Ena aishile, tulesanga ukutila, mu kutendeka kwa bukapyunga Bwakwe, ukutila panuma Ena alesenda i—icipuna cakwa Davidi . . . [Tapali amashiwi pali tepu—Kale.] Ukulanda kwa bumupashi, i . . .

Ilyo u Mupashi wa Mushilo waishile pali Ena pa lubatisho, lwakwa Yohane, kabili Aishileba Messiya uwasubwa. Nomba, ibukisheni, Ena ali Mwana wakwa Lesa ilyo Afyelwe. Aali Mwana wakwa Lesa uwafyalwa muli nacisungu. Lelo ilyo Aishileba Messiya, lilya elyo u Mupashi wa Mushilo waishile pali Ena, pantu *Messiya* cipilibula “uyo uwasubwa.” Mwamona? Kabili Aali ni Umo uwasubwa ilyo u Mupashi wa Mushilo waishile pali Ena. Mwalingumfwile ine ukushimikila pa *Mwana wa mpaanga Ne Nkunda*. Elyo tulesanga ukutila, ilyo Ena . . .

Panuma ya nshiku Shakwe amakumi yane aya bwesho, Ena aishile isa.

⁸⁰ Kabili bukapyunga Bwakwe bwatendeke shani, kabili bwapwile shani? Tulesanga ukutila, muli bukapyunga Bwakwe ukutila kwaliko umuntu uwe shina lya Andrew, uyo waile no kusanga munyina wakwe, Simoni, umulondo we sabi, no kumuleta kuli Yesu. Kabili Yesu alimwebele, atile, “Ishina lyobe niwe Simoni. Ishina lyakwa wisu ni Jonas. Ukutula nomba wakulaitwa *Petro*, icilepilibula ‘akalibwe akanono.’” Muleibukisha cilya? Kabili uyu muntu alisungwike nganshi pafyo Yesu amwebele!

Nomba, bushe Messiya alilingile ukucita cilya? Nibanga abaishiba cilya, landeni, “Ameni.” Ena aali nokuba Lesa-Kasesema. Ee, mukwai. Mose atile, “Shikulu Lesa wenu akemya Kasesema uwa palana na ine. Cikesa fikilishiwa ukuti uyo uushakomfwe kuli uyu Kasesema akaputulwa ukufuma pakati ka bantu.”

⁸¹ Nomba, lyena ilyo tulesanga ukuti, kuntanshi, Icakwe. . . “Ena aishile ku Bakwe Umwine.” Balya bali ni banani? Aba Yuda, ku cifyalilwa. “Kabili eico Abakwe Unwine taba mupokelele Ena,” eico Ena lilya. . . Nomba cena cilingile ukuya ku bena Fyalo, mwamona, pantu Abakwe Umwine taba mupokelele Ena. “Lelo abo bonse aba mupokelele Ena, kuli bena Apele amaka ya kuba abana bakwa Lesa.” Eico nomba Ena napilibukila ku bena Fyalo, kabili aba, pa myaka amakana yabili. Lelo nomba moneni ifintu ifyo Acitile.

⁸² Elyo Filipi, panuma amwene ici ukucitwa, aile no kusanga Natanyeli, no kweba Natanyeli uo asangile kabili ne fyo acitile Ena. Kabili cilya calimupapwishe. Alifililwe ukucitetekela. Lelo ilyo aingile mu Kubapo kwakwa Shikulu Yesu, ilyo asangile uko Aali, aishile ku Cinsu Cakwe, Yesu atile, “Moneni umwina Israeli uo muli ena tamwaba ubucenjeshi.”

⁸³ Nomba, nga nimwe mwaiminine palya, bushe muletontonkanya nga mwali aba bumupashi nganshi ku kwiluka Uo ulya ali? Muletontonkanya nga mwalicicitile? Nomba lolesheni. Mwamona? Ulya u Mwaume, Umweni fye, umu. . . kulya, Ena limbi ali mulondo we sabi. Ali ni kapala wa mbao, eflyo Ali. Uyu Muntu kapala wa mbao ukwiminina kulya, Umuntu wa myaka ya pakati. Kabili aimine uyu muntu. Amuloleshe ena nga umo pali aba abantu pano, atile, “Moneni umwina Israeli uo muli ena tamwaba ubucenjeshi.” Cisuma, musango nshi Ena engeshibilamo ukuti ali umwina Israeli? Te musango afwalilemo, pantu bena bonse bafwele ifyapalana. “Uo muli ena tamwaba ubucenjeshi.” Bushe Ena aishibe shani ukutila aali u—umuntu uushakwata ubucenjeshi?

⁸⁴ Eico casungwishe uyu muntu. Ukuba uwacetekela umwine mwine, atile, “Kafundisha,” nangu munyina, kashimikila,

kasambilisha, “nililali Mwatalile monapo ine?” Mwamona, ale Mwipusha.

⁸⁵ Atile, “Libe Filipino talakwita, ilyo waciba mwisamba lya cimuti, Nacikumona.”

Atile, “Nimwe u Mwana wakwa Lesa. Nimwe i Mfumu ya Israeli.”

⁸⁶ Yesu atile, “Pantu Namweba ici, nomba Mwancetekela? Nomba muli no kumona ifintu ifikalamba ukucila ifi.”

⁸⁷ Kabili ulya e mulandu wine Nincetekela ukuti i Chalichi cakwa Lesa uwa mweo cili nokumona icintu icikalamba ukucila pali ici. Cili mupepi no kwingila muli cena nomba, pakashita akanono, mwamona, pantu naba cicetekela cena. Abo abakana cena, pa mulandu wa mipaka ya filonganino, Ndetwishika nga bakatala ukucetekela icintu icili conse. Mwamona? Ifintu... Imwe mukenda mu Lubuuto nangu ukuba abapofula. Abapofula kumulandu wa lubuuto, nangu limbi abalangishafye inshila.

⁸⁸ Utuni utunono, Nasangile, pa Cabumbwa ukwimininako u Buntungwa. Ukabe uwashininkisha ukumona cilya, Munyina Thoms, ilyo ukaya kulya, mwamona. Twena twaleipola imitwe, kulya kwine. Kabili Natile, “Bwafya nshi bwalipo?”

⁸⁹ Atile, “Mucifulo cakukonka ulubuuto, mu Cibulukuto, ku bucingo, twaeseshe ukulwishanya no lubuuto. Tulaipaya utwine.”

⁹⁰ Cilya e cintu fye cimo icicitika ilyo mwacimfya no Lubuuto, kuipaya mwebene, ku mupashi. Endeni fye mu Lubuuto nge fyo Aba mu Lubuuto, lyena tuli no kukwata isenge umu no munankwe, ama chalichi yonse yali nokucetekela nokuya yale ipakisha na amapalo yakwa Lesa. Bushe ico teti cibe icisuma?

⁹¹ Lolesheni pa mwanakashi umwina Samaria ilyo aishile. Ena aali mwina Samaria, nomba (temu Yuda), umwina Samaria. Kabili Atile, “Ndetelako icakunwa Ine.” Kabili ukulanshanya kwatwalilile.

Ici cabeni nomba.

⁹² Kabili ukulanshanya kwalitwalilile. Nomba, ena ta mwishibe Ena ukuba Messiya. Ena ali fye u—u Mwaume, umu Yuda. Mwamona ifyo asosele pakubala? Atile, “Mulandu nshi, tacaba lutambi kuli imwe mwe ba Yuda ukulanda ku mwanakashi umwina Samaria nge fi.” Atile, “Tatwakwata nangu fimo ifyakucita kuli umu no munankwe.”

⁹³ Atile, “Lelo nga iwe walishibe Uo ulelandako, iwe kuti wa nomba Ine icakunwa. Kabili kuti Nakuletela, ukukupela amenshi, ayo iwe tawisa kuno mukutapa.”

⁹⁴ Mulandu nshi, atile, “Nomba pali miniti fye.” Atile, “Tupepela muli luno ulupili, kabili—kabili imwe mwe ba Yuda mupepela ku Yerusalemu.”

95 Yesu atile, “Lelo ora ileisa ilyo—ilyo tamwakapepele ku Yerusalemu nangu muli ulu lupili, lelo mu Mupashi. Pantu Lesa Mupashi, kabili nabo aba Mupepa balingile uku Mupepela mu Mupashi ne Cishinka.” Mwamona? Ukuba, Alitwalilile, alikonkenyepo ukulanshanya mpaka Asanga apo ubwafya bwakwe bwabelele. Cinshi, namwishiba apo ubwafya bwakwe bwabelele? Uuli onse uwishibe ubo bwali ubwafya no mwanakashi pa cishima? Alikwete abalume abengi sana, bushe tacitile? Eico Alandile kuli ena, “Kabiye usende umulume obe elyo wise kuno.”

Atile, “Nshakwatapo umulume nangu umo.”

96 Atile, “Ico cishinka. Wakwata basano, na umo uo uleikala nao nombamba te obe.”

97 Atile, “Mukwai!” Nombamba mumoneni. “Mukwai, Ndemona ukutula Nimwe Kasesema.”

Nombamba nga mwabwelela muli kulya ukubelenga, mulesanga ukutula. “Mukwai,” mucapakubala, “Imwe muli, Ndemona, ukutula Imwe nimwe *ulya* Kasesema.” Ibukisheni, muli Baibele, citwalilila ukulanda, “Ulya Kasesema, bushe ni Mwe ‘ulya Kasesema’?” Ni Kasesema nshi uo cali? Ulya Mose alandile Ali no kwima.

“Namona ukuti Muli Kasesema. Nombamba, twalifundwa, kabili twalishiba ukuti ilyo Messiya akesa, Akacita ifi fintu.” Cilya cali icishibilo cakwa Messiya. Bushe ico cishinka? Ukwishiba ifyo ubwafya bwakwe bwali. Atile, “Ifwe twalishiba ilyo Messiya akesa, Ena akatweba ifi fintu. Lelo Niwe Ani?”

Atile, “Nine Ena, uulelanda kuli iwe.”

98 Ashile umutondo wakwe. Abutukile mu musumba, Nde elenganya, naikatafye umutima wakwe. Nokulanda, naikata amaboko yakwe pa cifuba cakwe ukulatoloka fye, ukulanda, “Iseni, mumone u Mwaume Uyo uunjebele ifintu ifyo Nacitile. Bushe uyu te Messiya wine? Bushe ulya te Umo wine uo Baibele yasosele ukutula aali no kwisa? Ena mu Yuda uwikele kulya, u Muntu fye yawe yawe, acilamoneka nga kapala wa mbao. Lelo Nanjeba ukutula Nalikwete abalume basano, kabili imwe bonse mwalishiba ukutula cilya cishinka. Uyu alingile ukuba Messiya.” Bushe ico cishinka?

99 Nombamba, Yesu atile, “Pakashita akanono, inono ncende ya nshita, isonde talyaka Mone nakabili. Nombamba, imwe muka Mona, pantu Nkaba na imwe, kabili muli imwe. Kabili imilimo iyo Ncita na imwe mukacita. Ukucila ifyo Nacita pano, mukacita, pantu Ndeya kuli Taata, ukubwekela mu mibeke ya Mupashi.”

Ilambo lyalilipilwa. U Lubuto lwa Bufumu lwalifwile; u Lubuto lwa Bufumu lwalibukile nakabili. Nombamba i Chalichi ciminina icalungamikwa, pakucetekela cilya, kabili u Lubuto

lwa Bufumu kuti bwaisa muli aba bantu kabili no kubalenga ukuba impyani, abana baume na bana banakashi bakwa Lesa.

¹⁰⁰ Nomba, kuli imwe bonse mwe bashala uko, abo abashili muli uyu mulongo wakupepelwa, Nacimweba ukupela fye ifitupa ku bantu abo. . . ilyo Nacimwita muno lucelo. Acintumina, acitila, “Mulefwaya ukuya kulya no kupela ifitupa fimo, taata?”

¹⁰¹ Nacitila “Nga kuliko abantu abengi ukufika kwi kumi abashili ba pe hema.”

¹⁰² Nomba, inshita shimo mwi hema Ndeti no kupela ifitupa fya kupepelwapo. Mulabwela, nokutila, “Ukuba, ena alibeshibe. Bena bafumine kwi hema. Ena alishibe imibele yabo. Mucine.”

¹⁰³ Elyo Ndapilibuka, Nokusosa, “Balyafye abakunse ye hema, iseni. Cisuma. Imwe mwebashili ba pe hema, nimwe mwalaba mu mulongo wa kupepelwa.”

¹⁰⁴ “Oh, ifwe tatwabeshibe,” efya sosole aba mwi hema. “Ifwe tatwishibe ifyo ubwafya bwabo buli. Ena limbi alebepafye palwa cena.” Mwamona?

¹⁰⁵ Nomba Ntila, “Takuli nangu umo ukwisa. Lekenzi Mupashi wa Mushilo asale fye abo abali muno abo abashili bamuno mwi hema, ukwikala fye kulya.” Nalyo line, imwe fye. . .

¹⁰⁶ Takwaba inshila nangu imo nakalya, iya kusenda umuntu kuli Lesa, kano fye alilingilwa kalibela ukuba umwana wakwa Lesa. Takwaba fye inshila ya kucicitilamo. Yesu atile, “Takuli umuntu uwingesa kuli Ine kano Taata amubula.” Kabili cilya Cishinka. Ifintu fyonse ifyo Acitile, kwaliko icintu cimo icaibela. “Nga Ena alicicitile muli *iyi* nshila, cena calingile ukuba *iyi* nshila. Kabili *iyi* nshila, cena calingile ukuba kunuma *ilya* nshila.” Mwamona, cena kukana cetekelafye. Lelo amano yali lungamikwa ku bana bakwe. Eico, imwe, mwamona.

¹⁰⁷ Nomba pano, Ndeesha ukulanda kuli—kuli ulu lukuta lwa bantu, ici, ukutila Yesu Kristu ali lulya u Lubuto lwa Bufumu. Te ifwe; ni Ena. Tuli mpyani fye ya cilya, lelo ifintu fyonse fyesu. Nga nga cakutila mwaliminine kulya bulya bushiku ilyo Simoni aishile? Kabili, imwe, takuli nangu umo. . . Ici e cintu icakubalilapo ico Ena atalile ukucita.

¹⁰⁸ Nomba, cilya cikaba icintu cakubalilapo kuli aba bantu, nga Ena acicita. Bena tabatala ukucimonapo akale.

¹⁰⁹ Lelo ilyo Simoni aishile, umulondo we sabi umukote, uwabula na masambililo ayalinga ukulemba ishina lyakwe pa ciputulwa cepepala. Baibele itila ena ali “umututu kabili uushasambilila.” *Kabili* cakusuntinkanishako. Fyonse fibili, “umututu kabili uushasambilila.” Elyo kabili ilyo Aendele, mu cishibilo, amaka. . . Yesu, Yesu atile, “Ishina lyobe ni we Simoni.” Cinshi ico muletonkanya atontonkenye? Cinshi ico wingatontonkanya nga waliminine palya? “Kabili ishina lyakwa wisu ni Yona. Kabili ukufuma nombamba uli no kwitwa

Petro.” Cinshi, ni cinshi ico mwingatontonkanya? Bushe ulya Muntu alebelenga amano yakwe? Ukuba, ni cinshi ico mwingatontonkanya? Bushe kuti mwatontonkanya cilya cali icishibilo cakwa Messiya?

¹¹⁰ Nga cilya e cishibilo cakwa Messiya mu nkulo imo, cena cilingile ukuba icishibilo cakwa Messiya, inkulo ya cibili, inkulo ya citatu, inkulo ya cine. Cila nkulo ilingile ukuba cimo cine, pantu Lesa teti apilibuke. Kabili ni banga abaishiba ukutila Messiya ali ni Lesa? Mucine. Cena cali Ukusubwa. Mucine. Eico Ena teti apilibuke. Alingile ukuba cimo cine.

¹¹¹ E mulandu wine Apelele ubunte icintu cimo cine ku bena Samaria ifyo Acitile ku ba Yuda. Pantu, ifyalo fitatu ifya bantu ni Ham, Shemu, na bantu bakwa Yafeti; umu Yuda, umwina Fyalo, nomwina Samaria.

¹¹² Nomba, namumona Mupashi wa Mushilo? Ni banga abaishiba ukutila Petro alikwete imfungulo ya ku Bufumu? Bushe mwalimona? ena abwiswile pa Bushiku bwa Pentecosti, ku ba Yuda. Filipa aile kulya no kushimikila ku bena Samaria, no kubabatisha mwi Shina lyakwa Yesu Kristu, lelo u Mupashi wa Mushilo wali taulaisa pali bena ilya nshita. Bena balitumine no kusenda Petro, uyo wababikile ndupi shakwe pali bena kabili bena balipokelele u Mupashi wa Mushilo. Bushe ico cishinka? Kabili inganda’ yakwa Korneli, a—abena Fyalo bali Cipokelele. Cilya ecali conse ica cena. Ukufuma lilya ukuya kuntanshi, ena ali fye uwaisuka kuli bonse nomba. Eico mulecimona ici, mwamona, Ena ali no kwisula cena. Lesa alikwata inshila sha kucitilamo ifintu.

¹¹³ Nomba, muno lucelo, nga cakutila uyu Umo Uwapele Ubulayo ku Lubuto, kabili ngo lubuto nalwikala pano... Ndefwaya ukucetekela cila umu muli imwe ali. Nga cakuti u Lubuto nalwikala muno, icine cine u Lubuto lukamona Ubulayo. Nomba, cila umu uwa aba bantu abemine pano na bemya amaboko yabo, bena tabatala ukubamo mukulongana nakalya. Bena beni kuli ine. Nshishibe nangu umu pali bena. Bacisa fye muno. Kabili ama miniti ayanono ayapitapo, Billy acibapela icitupa cakupepelwapo, kabili aba bemine pano. Kuli abengi muli imwe kunse uko, mwebemishe amaboko yenu, ukutila tamwacipelwa ifitupa fyakupepelwapo, kabili imwe mucili abeni muno. Cilya tacikwetepo nangu cimo icakucita na cena. Imwe cetekeleni fye ukutila muli mpyani ya bulya bulayo. Imwe cetekeleni fye ukutila kufilaso Fyakwe eko mwaundapilwe. Kabili cetekeleni ico no mutima wenu onse, kabili nokulolesha Ena.

¹¹⁴ Icintu fye cimo ici ca bupe caba, caba fye ukuipela mwebene kuli Ena. Nshisosapo nangu cimo; Ena eulanda. Kabili nga Cena Mupashi Wakwe uwa busesemo, kasesema lyonse alekwata EFYA SOSA SHIKULU. Cena lyonse cali icalungama. Kabili

mwi ipusha Isambilisho, pantu lilingile ukulingana na Baibele, nga ni Lesa. Lesa tekuti asose icintu cimo, elyo kabili no kubwelela pali cena no kucinyonganya. Cena cilingile ukuba icintu cimo cine inshita fye yonse.

¹¹⁵ Nomba, iwe kunse uko, ulececekela. Na fyonse ifili muli iwe, ulececekela. Nomba mwilaenda enda na kabili. Ikaleni fye shilili nomba, onse umuntu.

Panono fye kabili mukanakilila ngefyo mwingacita.

Cena cicitike ukuba, luno ulucelo, ukutila umuntu wakubalilapo uwiminine pano mwaume. Nomba twalasenda ili Ilembo.

¹¹⁶ Nomba bushe mulemona apo Njiminine? Nibanga abengeluka cilya? Pano pali abaume na banakashi abeminine pano, abo Nshatala monapo, mu mweo wandi. Bena tabatala bapo na mukulongana, kabili mulemona apo beminine. Bena tabeshibe icili no kucitika. Nshishibe ico cili no kucitika. Lelo Lesa alicilaile. Abrahamu taishibe icali no kucitika ilyo abulile umwele ku kwipaya Isaki, lelo Lesa ali mulaile. Cilya calicipwishishe. Ena amupokelele nga umo uwafumine ku bafwa, ukwishiba ukutila Ena ali uwalinga ukumubusha ukufuma ku bafwa. Bushe ico cishinka? Eico cilya cilecipwishisha.

¹¹⁷ Nomba, apa napeminina umuntu mupepi na ine, Nshatala mumonapo, nshaishibapo icintu nangu cimo pali ena. Ifwe tuli beni kuli umo no munankwe. Ifwe tatwaishibana umo no munankwe. Lesa alitwishiba bonse babili.

Nomba, ku cabupe ca Bulesa, nga kuti Nacita fye ku wakwata icabupe. . . Nomba, filya ifya bupe fifyalilwa muli imwe. Lesa alingile kalibela ilyo umufula we sonde taulalengwa. Ni banga abaishiba cilya? Eico cena teti cibe icintu icili conse ico Nakwete, ukusenda icabupe. Lesa asalile fye cilya. Nshatalile ukusala cilya. Ewasalile cilya. Mwamona? Nga bakasesema ba mu Cipingo ca Kale, na bantu lekana lekana, bena balingilwe kalibela ukucicita, ukucita ici.

¹¹⁸ Nomba, umuntu nga nalwala, Ine teti mundape. Ngo muntu ali nokukabila, kuti cashintilila pafyo alekabila nga cakutila kuti Namwafwilisha nangu iyoo. Limbi kuti caba, nga cali cintu cimo na cimbi nga ena. . . icintu cimo icinono ico Ninga mwafwilishako, mulandu nshi, Ine kuti naba uwansansa ukucicita. Limbi alikwata icipyu. Limbi ena taba no mwina Kristu. Limbi ena mwina Kristu. Limbi ni kapashanya. Nshishibe. Nga cakutila ena wakusokelelamofye, umo uyo uwasokelelemofye, kabili ukwisa muno nokwisha ukui pangafye umwine nge cintu cimo? Moneni icili nokucitika, mwamona, moneni fye—fye icili nokucitika. Nshishibe.

¹¹⁹ Lelo, moneni, imwe namwiminina pano, lyena kuti mwaiminina mukupwililika, ukwishiba ukutila Lesa alipanga

ubulayo, Lesa alasunga ubulayo Bwakwe. Mwamona? Nomba, nga cakuti Lesa alasunga ubulayo Bwakwe, pakati, pano pene nomba, kuli aba bantu; nibanga kunse kulya abali nokwikala kunse kulya, no mutima wenu onse imwe muli nokucicetekela cena? Umutima wenu onse, mwalacetekela? Lyena muncetekelefy.

¹²⁰ Nomba lekeni tumone. Lekeni tusende Amalembu. Nomba, Simon Petro aishile kuli Shikulu Yesu. Kabili napa kufika pali Shikulu Yesu, Shikulu Yesu alimwebele uo ena ali, kabili—kabili alimwebele ifintu pa bumi bwakwe. Cisuma, Yesu umu wine ali uwa mweo ileelo. Ena . . . Bushe mulecetekela ukuti Aalibukile ukufuma ku bafwa? Bushe mulecetekela ukutula u Mupashi wa bu Messiya wikala mulya mwine mu Chalichi, ileelo, umusango fye umu wine ngefyo Wena lyonse wacitile? Cisuma.

¹²¹ Nomba, imwe mwi bumba, mwe bashikwete icitupa ca kupepelwapo, lolesheni ulu lubali no kutila, “Shikulu!” Mucine, takuli ifitupa fya kupepelwapo mwibumba, Nimbakwata bena bonse ukwiminina kuno. Imwe mwi bumba mutile, “Shikulu, Munkumye ine.” Mufwaye ico cilacitika. Mufwaye ico cicitike. . . ? . . .

¹²² Nomba, mukwai, nga kwaliko inshila mwisonde iya ku mwafwilishishamo, ine kuti Nacicita. Mwamona, Ndi fye, tuli fye abeni pano, kabili Nde—Ndemukumanya pa nshita yandi iyakubalilapo. Lelo Ndi no mulimo, nga kapyunga, ukulanda Icishinka kabili ukuba inte yakwa Yesu Kristu. Kabili, nomba, Nshilefwaya imwe ukunjeba icintu icili conse. Ndefwaya imwe munjasuke nga cakutula cena cishinka nangu iyoo, elyo kabili mumuleke Ena ukucicita. Kabili nga Alabomba munshila imo ine pano pa cintamba, ukupitila muli uyu umubili, ifyo Acitile ukupitila mu mubili wakwa Yesu!

Ulya ni Lesa, muli Kristu. Yesu atile, “Nshicita nangu cimo mpaka Taata, uyo waba muli Ine, Anangisha. Ena alanjeba Ine ifyakucita.” Eico tacali ni Yesu uyo waebele umwanakashi. Cali ni Wishi, muli Ena, uwa ebele umwanakashi. Cali—tacali ni Yesu uyo waishibe uo Simoni Petro aali, cali ni Wishi uwaikela muli Ena, uwaishibe uo Simoni Petro aali. Cilya eco. Mwamona? Cilya eco.

¹²³ Kuti na mweba, nomba, muli bena Kristu, ee, mukwai, pantu na mukwata u—u—umupashi uwakusengela uulebuluma necikabilila. Kabili, ena, ena alicetekela. Ena mwina Kristu. Kabili ulecushiwa ne mibele ya mwenso iyo iilekupela ubwafya bwa mumala. Bushe ico cishinka? [Munyina atila, “Ico cishinka.”—Kale.] Mwamona? Mwamona? Nomba, cilya ni filya fine. Musango nshi cilya? Musango nshi Nacishibilamo shani cilya? Musango nshi mwi sonde Ningatala ukwishiba cilya? Tatwatala monanapo umu no munankwe ilyo tacilacitika. Cilya cishinka. Bushe facili? [“Cilya cishinka.”] Nalimo Ena

alakukweba icintu cimbi pali iwe. Nalakweba. Ici apa icintu cimo. Ndemona umwanakashi kulubali lobe. Ena ali naiwe. Ena mukashi obe. Nao alekabila ubwafwilisho bumo, pamo. Ee, mukwai. Ulecetekela Lesa kuti anjeba pano ico icili icalubana no mukashi obe? [“Ninjishiba ukutula Ena kuti acita.”] Cisuma, mukwai. Nakwata ubwafya bwa mutima, amafya. Cilya cishinka. Bushe tacili? Umwenso, nao. Ee, mukwai. Nomba, iwe tauli wamuli uno musumba. Nga pakubwelelamo uya *iyi* nshila nga uleya ku ng’anda, ukuya ku Cincinnati. Cilya cishinka. Iwe ufumine ku Cincinnati, Ohio. Ishina lyobe niwe Milliken. Bwelelamo, kabiye ku ng’anda, ube bwino. Shikulu alakupala kabili uli no kundapwa, iwe no mukashi obe. Lesa amipale.

Iseni, mukwai. Bushe namucetekela? Nomba kwatenifye icicetekelo. Mwitwishika.

¹²⁴ Nomba beni abakatina nganshi. Bonse nomba beni fye abakatina nganshi, ikaleni tondolo. Mwamona, u Mupashi wa Mushilo ulaibweshamo nganshi. Nibanga abaishiba cilya? Mucine ulaibweshamofye nganshi, u Mupashi wa Mushilo, mwamona, ukupumfyanyafye ukuli konse ukunono kulamucilinganya Ena.

¹²⁵ Ukulingana na ba shing’anga, ulingile ukufwa ili line, no bwafya bwa mutima. Cilya cishinka. Wishile kuno ukufuma ku Chicago, Mista Mosley. Ishina lyobe ilyakubalilapo ni Theodore. Ulecetekela Lesa? [Munyina atila, “Ee.”—Kale.] Kanshi kabiye ku ng’anda no kuba no mweo, mwi Shina lyakwa Yesu Kristu, kabili ube bwino. Lesa amupale.

¹²⁶ Ulecetekela Lesa? [Nkashi atila, “Mucine ndecita. Ee, mukwai.”—Kale.] Iwe ulecula no bwafya mu kulu kobe. Ufumine kunse ya musumba, pamo. Ufumine ku Owensboro, Kentucky. Ishina lyobe ni we Misisi Lamb. Bwelelamo ku ng’anda no kuba bwino.

¹²⁷ Namayo uwikele apo, naiwe ufumine ku Owensboro. Naukwata icipute pe bele lyobe apa. Ililingilwe ukubombelwapo, mailo. Kabiye, ulecetekela, nokuba nomweo.

¹²⁸ Bushe mulecetekela, mukwai? [Munyina atila, “Ee, Ndecita.”—Kale.] Tuli beni kuli umo no munankwe. Ishina lyobe niwe Mista Gilmore. Cilya cishinka. Iwe ufumine ku Anderson, Indiana, uko akabungwe akakalamba aka Church of God kaba. Cilya cishinka. Wiminine pano pa mwana obe umwanakashi uulecululuka citika. Aliba icite citika. Ulecetekela? Kanshi kabiye ku ng’anda no kuya musanga mumusango ucetekelelemo. Cisuma. Lesa akupale. Kwata icicetekelo. Cetekela.

¹²⁹ Ulecetekela no mutima obe onse, mukwai? [Munyina atila, “Ee, mukwai.”—Kale.] Iwe ufumine ku Indianapolis. Niwe kapyunga wa Mbila nsuma. Ulya mukashi obe. Uhuh. Alecululuka nao. Nakwata ubwafya bwamukolomino mu mukolomino. Dokota...Nakwata ubwafya bwa mutima;

nomwenso panono. Ndemona ena alikoma ukutwi kwakwe. Cinshi . . . Isa kuno.

Wemupashi wakukoma amatwi, mwi Shina lyakwa Yesu Kristu, Nakupingula iwe ukupitila muli Lesa uwa mweo, fuma mu mwanakashi.

Nomba iwe kuti wangumfwa bwino nomba. Imwe bonse babili kuti mwaya ku ng'anda no kuba bwino. Bwelelenimo ku ng'anda yenu. Muleng'umfwa, kabili muli abatuntulu. Muli no kuba fye bwino.

¹³⁰ Bushe ulecetekela no mutima obe onse? Kwatafye icicetekelo muli Lesa. Cetekela.

¹³¹ Kulya ukukalipa kwamafupa mufilundwa yakale nefintu cintu cabipa nganshi. Ulecetekela Lesa alakulenga ukuba bwino? Nomba enda ukupita mulya. Kabiye ku ng'anda, ulelumbanya i Shina Lyakwe, ukutila, “Na Mutotela, mwebatemwikwa Shikulu Yesu.”

Umulandu Nacikatila cilya mukwangufyanya, uyu mwanakashi acikwata icintu cimo cine, ukukalipa kwamafupa.

Ulecetekela ukutila Lesa alakulenga ukuba bwino? [Munyina atila, “Ee.”—Kale.] Cisuma, mukwai. Nomba enda fye ukupita mulya, no kutila, “Na Mutotela, Shikulu Yesu,” no kuya ku ng'anda.

¹³² Cisuma, nkashi, pilibuka fye no kubwelelamo, no kucetekela. Iwe walikosa mu makufi yobe, uli pano, no bwafya bobo ubwa mutima, na fimbipo. Pilibuka fye no kubwelelamo ku ng'anda, ulande, “Na Mutotela, Shikulu Yesu,” no kuba bwino. Cetekela na fyonse ifili muli imwe.

¹³³ Ulecetekela? Nga palwa kunse uko, imwe bamo mwebantu, mulecetekela?

¹³⁴ Na mayo umunono uwikele palya, umufishi, uukwete cipumputu, ulecetekela ukutila Lesa alakulenga ukuba bwino? Ulecisumina cena? Cisuma. Nga uli nokucita, Ali no kucicita.

¹³⁵ Apa pekele kashimikila, uwikele apa, uulefwaya ukwenda mupepi na Lesa. Bushe tamulekabila, mukwai? Ulecetekela Lesa ali no kucicita pali iwe? Imya ukuboko kobe no kutila “Nacisumina cena.” Uh-huh.

¹³⁶ Uyu namayo uwikele apa, acibika ukuboko kwakwe panshi. Nakwata ubwafya bwa ku mupashi ubo aletontonkanyapo. Ico nacilungama.

¹³⁷ Uyu apa ni na mayo umunono apa, ukusunguka nga ena ali no kukwata umwana wakwe. Cilya cishinka. Iwe walisangwapo mukulongana kwandi kumo. Nalikulaya, ukupitila muli Lesa, umwana. Bushe Nshacitile? Cisuma. Nomba kabiye ku ng'anda no kucikwata. Wisakamana pali cena nakabili.

¹³⁸ Bushe naucetekela no mutima obe onse, imwe bonse? Onse pali imwe nacetekela? U Lubuto lwakwa Abrahamu lukekata impongolo, impongolo ya mulwani. Bushe ni mwe u Lubuto lwakwa Abrahamu, kuli Yesu Kristu? Imyeni amaboko yenu nga muli.

Nomba bikeni indupi shenu pa mwina mupalamano wenu, pa mwina mupalamano wenu, pali umo no munankwe. Bikeni indupi shenu pali umo no munankwe. Ikateni impongolo nomba. Yenu. Cena cintu cenu. “Ipepo lya cicetekelo likapususha abalwele. Lesa akabemya.” Cisuma, pepeni mu nshila yenu mwebene. Pepeni mumusango mucitilamo ku chalichi cenu. Pepeleni abantu abali na imwe nomba. Bikeni indupi shenu pali umo no munankwe no kupepa.

¹³⁹ Shikulu Yesu, twaisa muli lilya ilikalamba, i Shina lya Maka yonse ilya Lubuto lwa Bufumu, u Lubuto lwakwa Abrahamu, uyo uwalailwe Ena pa lupili apo Mwapele umwana wa mpaanga; no kubika ulya umwana wa mpaanga mu matololo, icintu icakupapusha, umusango umo wine nge fyo Mwacitile tulya utupale, mailo.

Ndepepa, O mwe Shikulu Lesa, ukutila Mwalatuma Amaka, icicetekelo. Kabili lekeni u Lubuto lonse... Ninjishiba bali nokucita, Shikulu, pantu Mwatile, “U Bufyashi bwakwa Abrahamu.” Kabili nga kwalibapo bamo muno abo abaifungusha ukuba u Lubuto, kabili te Lubuto, beleleni pa kukabila kwabo ukucita muno, nangu ukuifungusha. Kabili lekeni u Mupashi wa Mushilo nomba fye wambusha umweo wabo ne cicetekelo ca mweo. Lekeni u Mupashi wa Mushilo wingile mukati ka mutima onse no kundapa bonse muno. Bena na babika amaboko yabo pali umo no munankwe.

U Lubuto lwa Bufumu lwatile, “Ifi ifishibilo fikabakonka abo abacetekela. Nga babika indupi shabo pa balwele, bakaba abatuntulu.” Kabili Uyo Uwapangile ubulayo epo ali ino ine nshita, ukuilangisha Umwine ukutila Ena ali muno. Lulya e Lubuto namaboko yabo pali umo nomunankwe. “Ifi ifishibilo fikabakonka abo abacetekela.” Lekeni u Mupashi wa Mushilo upite muli cila kumo ukuboko kwabo, ukwingila mu mitima ya bantu, mu mibili, no kundapa umuntu onse uuli mu Kubapo kwa Bulesa. Cipeleni, Shikulu.

Naebaula kasebanya. Naebaula ukukana cetekela konse. Naebaula umupashi onse uwakowela. Naebaula uuifungusha onse. Naebaula ifintu fyonse ifyo fyaba ifyapusana ku Cebo cakwa Lesa. Kabili lekeni u Mupashi wa Mushilo usende icifulo Cakwe mu mutima wa bantu, ino ine nshita, ukupitila mu cicetekelo. Lekeni ukukalipwa konse no bulwele bonse, ukucushiwa konse kufume pa bantu, mwi Shina lyakwa Yesu Kristu. Ameni.

¹⁴⁰ Nomba, mwe Lubuto lwakwa Abrahamu, mweba mucitoto ca bufumu, imwe mweba bulayo, ku kusenamina no bwafwilisho bwakwa Lesa, nibanga pali imwe abengemya ukuboko kwenu, ukusosa, “Nimpokelela ico Nacipushapo.” Natotela. Cilya eco. Cilya eco ubulayo bwabelapo. Cilya eco ubulayo bwapelelwapo, ukutila mwingaba impyani ya fintu fyonse, ukupitila muli Yesu Kristu uwa mupuswishe. Ena alikupususha ukufuma ku lubembu. Ena alikupususha ukufuma ku bulwele. Ena alikupususha ukufuma ku mfwa. Ena alikupususha ukufuma ku mbo. Ena alikupususha ukufuma ku nshishi.

¹⁴¹ Iwe watiila, “Munyina Branham, lelo ifwe bonse tulaya mu nshishi.” Lelo inshishi teti itwikatilile ifwe. Ena aile kuli yena, pamo, lelo yena tayamwikatilile Ena. Mucine. Yena teti inwikatilile Ena.

¹⁴² “Ukuba, Munyina Branham, Ndi uwa eshiwa nganshi.” Aali, pamo. Lelo Aali mupuswishe ukufuma ku mesho.

¹⁴³ “Mwitutwala mu mesho, lelo mutupokolole ukufuma ku bubifi.” Mwamona, Alicicita cena. Cena conse cenu. Fyonse fye fyenu, ukupitila muli Yesu Kristu. Alamupela ifintu fyonse, ubupe fye. Takwaba ukulipila kuli cena, nangu icintu cimo. Cena cili fye cenu ino ine nshita. Bushe tamuli abansansa pali cena? Bushe tamuli abansansa pali Ena? Ukutotela kube kuli Lesa.

¹⁴⁴ Nomba, kwalaba ukulongana, buno, muno bushiku. Ee. Cena ni muno bushiku, seveni-sate muno bushiku. Nalaleka kakumba amwebe. Isa kuno. Isa kuno.

Nomba, pa Mulungu uuleisa ulucelo, Shikulu umusuma nga asuminisha, Nkabwela mukupepelako abalwele, pe hema, nangu konse.



UKWIKATA IMPONGOLO SHA MULWANI BEM59-1108
(Possessing The Enemy's Gates)

Iyi Mbila na Munyina William Marrion Branham yaletelwe intendekelelo mu Cingeleshi pa Mulungu ulucelo, Cinshikubili 8, 1959, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org